

**H) FUERO 1/1999, DE 24 DE FEBRERO,
DE SUZESIONS POR CAUSA DE MUERTE
TRADUCCIÓN AL ARAGONÉS
DE MIGUEL MARTÍNEZ TOMÉY***

En nombre d'o Rei e como Presidén d'a Comunidá Autonoma d'Aragón, promulgo o presén Fuero, aprebato por as Cortes d'Aragón, e ordeno que se publique en o «Boletín Ofizial d'Aragón» y en o «Boletín Ofizial de ro Estado», tot ixo de conforme con lo atrazato en l'artículo 20.1 de ro Estatuto d'Autonomía.

REQUILORIOS

I

O esbiellamiento d'o Cuerpo foral de ro Dreito zebil d'Aragón ye un ochetibo nezesario d'a politica lechislatiba d'a Comunidá. A Compilación bichén, orichinata fa ya más de trenta añadas en cercustanzias mui distintas d'as atuais, á penar d'a suya notable altaria teunica e d'o suyo enzierte en a conserbación d'as instituzions d'o Dreito

zebil aragonés ta ras chenerazions futuras, resulta güei insufizién e parzialmén inadecuada ta ras nezesidaz y espeutatibas d'os aragoneses.

En o ambito de ro Dreito zebil, que ha confegurato en moldes de tradición secular reyalidaz tan intimas e, de bez, tan dezisibas en a bita sozial como as relazions familiars u ro destín d'os biens d'as presonas cuan plega lur muerte, as interbenzions d'o lechislador no tienden á una ruptura con o pasato, sino más bien á dar satisfazió a nuevas nezesidaz sentitas por o cuerpo sozial ligando armonicamén baluras e instituzions que han determinato istoricamén a traza d'estar aragonesa con as abaluazions e aspirazions d'o presén. S'entinde asinas que ro nuevo Cuerpo foral de Dreito zebil tienda á incorporar cuanto de bueno e útil bi ha en a Compilación, que ye cuasi tot, ta autualizarlo, desarrollar-lo y completar-lo con

* Intérprete Jurado de Francés e Inglés; miembro del *Consello Asesor de l'Aragónés*.

as normas que parexcan más conformes con os ideyals zebicos e ras zercustanzias bitals d'os aragoneses e aragonesas de güei e de maitín.

A buxada lechislatiba de desarrollar de traza sistematica o Dreito aragonés pertoca á ras Cortes d'Aragón, d'aluerdo con l'artículo 149-1.8^{ena} d'a Constitución, en l'ampla entrepetazón emologata por o Tribunal Constitucional, señalatamén en a suya Sentenzia 88/1993, de 12 de marzo. Ista buxada de luenga remetida ye a que o presén Fuero enzeta, sin prechuzgar agora a configuración zaguera d'o futuro Cuerpo foral.

A superior amplaria ye consecuencia d'a finalidá proposata d'aclarer, desarrollar e afundir en o nuestro Dreito de suzesions, de modo que siga más continua e segura a suya aplicazón en a practica. Con tot e con ixo, o Fuero no gosa acotolar u plegar ta ro limite d'a competencia autonómica en ista materia, sino reglar o que repleca que ha de menister, ye oportuno e á conforme con as zercustanzias. Fundamentalmén, como s'ha dito, ta aclarer, desarrollar e afundir en o Dreito en bigor, partindo d'as instituzions reglatas en a Compilazón, completatas as suyas normas con atras que perfilan o suyo alcance, fan más segura a suya aplicazón u atienden á aspectos que nezesitaban nuebas prebisions. Tamién, adotando á ro conchunto d'una bastida de normas chenerals en a que as concretas instituzions troben lur acomodo natural e armonico, contrebuyendo asinas á que o Dreito zebil d'Aragón aparexca á ros güellos de toz como ro Dreito zebil común e cheneral en Aragón.

O Codigo zebil seguirá estando supletorio en materia de suzesions por causa de muerte, pues a Lei no trata d'escluyir a suya aplicazón entre nusatros. En reyalidá, os churistas aragoneses se sintieron en o sieglo XIX coautors d'o Codigo zebil e ni allora ni agora amostaron refús á ro mesmo u suszitó iste lur resapio. Por ixo, ye gran o espazio que iste Fuero dixa á ras normas d'o Codigo zebil, en conzeuto de Dreito supletorio d'aluerdo con l'artículo 1^{ero} de ra Compilazón. Agora bien, o Fuero precua pribar, por meyo d'a exclusión de normas espezificas, o enserimiento d'aquers prezeutos de ro Codigo que no fan pacha con os prenzípios de ro Dreito aragonés u deficultan l'aplicazón u desarrollo d'as suyas instituzions propias.

O Fuero de Suzesions por causa de muerte combibirá, á lo menos por bel tiempo, con a bichén Compilazón de ro Dreito zebil d'Aragón (fuera d'os suyos artículos 89 á 142, agora zirconduzitos). Dengún problema espezial no se'n deriba, pues uno y atro fuero forman, sustantibamén, o mesmo Cuerpo legal de Dreito zebil d'Aragón. Como ye platero, o Fuero de Suzesions se refirma en as normas compilatas de bez que contrebuye á lur entrepetazón. Asinas, cuan bel prezeuto d'o presén Fuero (como de cualesquier atro, por o demás) desiche a mayoría d'edá, por exemplo ta atorgar pautos suzesorios, ta atorgar testamento olografo u ta estar fiduziario, naturalmén entiende referir-se á ra mayoría d'edá de ro Dreito aragonés, güei reglata en un punto fundamental en l'artículo 4^{eno} d'a Compilazón, que fa mayors d'edá á toz

os efeutos á ros que aigan contrayito matrimonio, mesmo antes de fer as dezigüeito añadas. Antiparti, artigos como ro 31 e ro 51 d'o presén Fuero (capazidá d'as presonas físicas ta azeutar u refusar, partizión con menors de catorze añadas u incapazitados) se replecan como concrezión d'as normas e prenzios de ra Compilazión sobre capazidá por razón d'edá, relaziions entre aszendiens e deszendiens e relaziions parentals e tutelars, que resultan asinas potenziatos e de más asegura aplicaziión tamién en bels supuestos no claramén prebistos.

II

O cuerpo d'o Fuero ye estallato en siete Tetulos. O Primero e más estenso d'els s'adedica á «ras suzesions en cheneral» e ye o que en mayor mesura replega prezeutos formalmén nuebos que tienen, entre atras, a funziión de furnir á ros más tradizionals y esenzials o entorno normatibo apropiato ta ra suya correuta entrepetaziión, aplicaziión y eficacia conformadera d'as relaziions sozials, de bez que fazilitan o engalze con o Dreito supletorio.

L'orden d'os Tetulos II á VII sigue o d'a preferenzia d'os modos de delaziión, emprenziando, por tanto, por a suzesión boluntaria. Parexe o coderén en un Fuero que proclama (art. 3) que «o causán espleita d'a más ampla libertá ta ordenar a suya ... sin más limites que o respeto á ra lechitima e os chenerals d'o prenzio *standum est chartae*».

Drento de ra suzesión boluntaria, se trata en primer puesto d'os

pautos suzesorios, que prebalexen fren á ro testamento, ta seguir con iste e, dimpués, con a fiduzia suzesoria, siempre socheta á ra boluntá manifestata en pauto u testamento. Dimpués de bellas normas comuns á ras suzesions boluntarias, se tratan os regles d'a lechitima d'os deszendiens —límite prenzial d'a libertá de disponer por causa de muerte— y, en zagueras, a suzesión legal, ta cuan no existen u son insufiziens as desposiziions boluntarias.

III

O articlo segundo enunzia que «a suzesión se defiere por testamento, por pauto u por desposiziión d'o Fuero». Os pautos suzesorios e ra fiduzia suzesoria, fenomenos tan propios d'o nuestro Dreito, requieren una formulaziión igualmén propia d'as normas chenerals, que en otros ordinamientos como ro Codigo zebil, paran cuenta nomás que de ro testamento como cauz estrumental de suzesión boluntaria, e sólo que á ro testamento unipresonal, con proscrizión de ro mancomunato e de ra interbenziión normal d'un terzero en a ordinaziión d'a propia suzesión; mientras que o testamento mancomunato e a fiduzia suzesoria han un papel zentral en a nuestra bita churidica. Tamién a esistencia d'a suzesión troncal tien o suyo nezario reflexo en o Tetulo Primero.

En iste mesmo Tetulo Primero se troban, asinasmesmo, regles más detallatos de custions que ya teneban belún en a Compilaziión, como a capazidá ta azeutar u refusar, a sustituzión legal, a responsabilidá de ro ereu u ro consorzio foral.

En cuanto á ra sustitución foral, son conoxitos os problemas e ra dibersidá d'entrepetzions que ha suszitato l'artículo 141 d'a Compilación. S'ha optato por mantener ta toz os supuestos a denominación que rezibió ista fegura en 1967 (por considerar-la preferible á ra de representación) e reunir toz os regles en un capetulo, o III de ro Tetulo I, no sin antis comprobar por estallato o funzionamiento d'o mecanismo sustitutorio en a suzección boluntaria, en a foral e respeito á ra lechitima. D'ista traza, s'aporta claridá en a determinación de cadauno d'os supuestos y en lurs consecuencias, de bez que se subraya que a sustitución foral no se da nunca en caso de renunzia u refusamiento de ro erenzio por o clamato. O cambeo lechislatibo en ista concreta custión ha dato piet á ra desposición transitoria cuatrena, que se reclama á ro regle cheneral en o suyo cabo primero, pero almite una eszeución en o segundo ta supuestos en que cabe replecar que ro efeuto sustitutorio ye consecuencia, no simplamén d'a lei zirconduzita, sino d'a boluntá d'o causán y ta no escuentradezir-la.

A responsabilidá de ro ereu, encluyito ro troncal, por as deutas e cargas ereditarias esclusbamén con os biens que reculla de ro cabal legato, tradizionalmén calificata como «benefizio foral d'imbentario», se mantiene tal como beniba operando, con bellas aclarazions en aspeutos prauticos y, en particular, se señala ra bía por a que o ereu podrá esfender os suyos biens fren á ros crededors de ro causán e s'estatuezen as preferenzias en favor d'istos respeito d'os legatarios e os crededors d'o ereu. O perpago d'as

deutas ereditarias por os ereus, tanto antis como dimpués d'a partizión, e a mena de responsabilidá que en cada caso lis pertoca ye atro d'os temas que agora reziben espezial atención.

A colación, como operación de partizión, sigue descansando nomás que en a boluntá d'o disponén. No promana por menisterio d'o fuero, que se limita á aportar breus regles ta cuan, en efeuto, a boluntá d'os particulars aiga ordenato ra suya prautica sin endicar-ne d'atras.

De a partizión propiamén dita, se regla con detallo ra interbenzión de menors de catorze añadas u incapazitados, asinas como a de menors mayors de catorze añadas, data ra frecuencia d'istas situazions en a bita churidica e ra combenienzia de ra mayor claridá e seguranza en o modo d'operar en ellas. Tamién s'atiende á ras entredizions de partir e os pautos de no estallamiento, limitando-los en o tiempo, e á ra partizión prauticata por o causán u ro suyo fiduziario.

O «consorzio foral», reintroduzito en a Compilación de 1967 dimpués de benzer bels dandalos, ye mantenito en iste Fuero en os rasgos fundamentals, pero adibindo prezisions inspiratas en as nezesidaz de ra prautica tanto en a prebisión d'os feitos que l'orichinan como en a determinación d'os suyos efeutos. En particular, parexe clamato á aber aplicación asobén a premisión de deseparación d'un consorte por o senzillo meyo de declarar a suya boluntá en escritura publica, con o que tenerban fázil solución bellas situazions indeseyatas mesas de reliebe por bels autores.

IV

A Compilación diseñó una regulación de conchunto d'a suzesión pauzionata, construyita sobre os ricos materials de ra esperenzia istorica con l'aduya d'aportazions dotrinals inspiratas en atos ordinamientos que, como l'aragonés, los reconoxen e respetan como espresión de libertá zebil de lurs atorgadors. O presén Fuero incorpora en o suyo Tetulo II, en o sustanzial, aquella regulación, que ha serbito mesmo de referencia á atos lechisladors, enamplando formalmén o ambito d'os pautos en no binculando-los en dengún causo á l'atorgamiento d'achustes matrimoniales, de bez que la enrique con nuebos desarrollos más detallatos.

Se distingue, en concreto, a institución á favor de l'achustán, que puede estar «de presén» u «ta dimpués de ros días», a institución reziproca, o pauto á favor de terzero y os pautos de renunzia. Á totas ixas modalidaz, pero sobre tot á ras primeras, s'adedican prezeutos que faigan más clara a posición churidica d'unos e atos en as distintas fases d'iste complexo fenomeno suzesorio e as consecuencias d'os diferens ebentos que pueden acayezer con posterioridá á l'atorgamiento.

V

O Tetulo III, «De a suzesión testamentaria», s'ubre con unas desposicions chenerals condizonatas, en buena mida, por o reflexo que nezariamén proyeuta sobre ellas a feitura d'o testamento mancomunato. Sin atender á ista modalidá testamentaria, que ye en a practica con muito ra

más común, no puede normar-se de traza combenién en o nuestro Dreito ni a capazidá, ni as formas ni a entrepetazón d'as desposicions. Merexe señalar-se o prezeuto que endica os requisitos de forma de ro testamento mancomunato olografo, desichindo os que han parexito minimos impreszindibles ta posibilizar en a reyalidá l'atorgamiento d'istos testamentos, sin mingua d'a seriedá e libertá d'a boluntá d'os dos testadors. Por o demás, s'han introduzito prebisions sobre lumero e capabilidá d'os testigos testamentarios ta cuan aiga de menister lur interbenzió, manteniendo ro regle de prenzipio contrario á ista nezesidá bichén dende 1985.

No ha parexito nezenario mantener a feitura d'o testamento debán de capellán, á penar d'a suya indudable antiguidá istorica. A suya utilidá ye güei pro limitata, suszita bels dandalos en a demba d'a seguranza churidica y estarba pro dificil, cuan no imposible, fer-lo plenamén compatible con o prenzipio constituzional de no discriminazió por razón de relichió.

Os articlos espezificamén adedicatos á ro testamento mancomunato no son guaires, pero toz els contienen bella nobedá. A más aparén ye a que almite l'atorgamiento d'istos testamentos por cualesquiera dos presonas, «sigan u no conyugues u pariens», mientras que a Compilación desichiba a condizió de conyugues. Ye una obredura que parexe adecuada á ra reyalidá presén de bez que refirmata en a esperenzia istorica, pues os documentos de barios siglos amuestran, aunque no con gran frecuencia, a practica d'o testamento mancomunato tamién

entre presonas no casatas entre ellas. A institución reziproca entre atorgadors, d'atro costato, e asinas-mesmo a esferenzia de lo atrazato en a Compilación, no produzirá os efeutos de «pauto á ro más bibién» salbo que asinas lo aigan estatuezito os testadors, seguntes parexe o más conforme ta respetar lur berdadera boluntá. Sobre l'abdicación unilateral de ro testamento, custión de cutio disputata, s'ha buscato acoplar a mayor libertá de ra mesma—salbo en o causo d'as desposizions correspeutibas— con a leyalta debita á l'atro atorgador, á qui cal dar á conoxer l'abdicación ta que obre, si quiere, en consecuenzia. Por ixo desiche que en tot causo—bi aiga u no pas clausulas correspeutibas—l'abdicación u modificación unilateral se faiga en testamento ubierto e que ro notario la comunique á l'atro testador, fendo serbir os datos que nezesariamén ha de proporcionar-li ro abdicador. Ye tamién nueba ra norma que atiende á ras desposizions de biens entre bibos por parti d'os testadors, ta pribar que por iste meyo se dixen indreitamen sin efeuto desposizions correspeutibas que no poderban abdicarsen u ta atrebuyir á ra desposición os efeutos de l'abdicación, tot ixo sin embelear o trafico de biens e a seguranza d'os terzers alquiridors.

A dotrina de ra no balgua d'os testamentos tien contornos muito borronutos en o Codigo zebil, data l'ausenzia d'un rechimen legal propio e ro recurso nezesario, pero no plenamen satisfatorio, á ras normas ditatas ta ros achustes en iste Cuerpo legal. Por ixo, ha parexito útil distinguir en iste Fuero dibersas clases de no balgua d'os testamentos y

as desposizions testamentarias, e ras consecuenzias de cadaguna d'ellas, con endicación d'as correspondiens aizions. Ta ra distinción d'os causos en que opera una u atra clase de nulidá (a que, por probocar azió imprescriptible, a dotrina alcaso prefiera denominar de «inesistencia», u aquella atra en que l'azió zirconduze á ras quinze añadas), u bien l'anulabilidad, cal parar cuenta que os requisitos e formalidaz d'os testamentos e de ra boluntá testamentaria bienen estatuezitos de traza predominán en o Codigo zebil. Son as consecuenzias de l'ausenzia u infrazió d'os requisitos lo que espezialmén regla iste Fuero con rechimen espezfico, atendendo primordialmén á ra ponderación d'os intreses en chuego e á ra seguranza churidica, que ye de creyer queda reforzata ya por o simple feito de ra esistencia d'una regulazió foral que permite saper á qué reclamar-se en cada causo. Tamién l'abdicación d'o testamento s'ha reglato de manera más reyalista que en o Codigo, siguiendo sustanzialmén as endicazions d'a churisprudenzia.

VI

A fiduzia suzesoria, ocheto d'o Tetulo IV, ye un estrumento á ro serbizio de ra ordinación d'a suzezió de qui ya ha fenezito que tien un notorio enradigamiento e cutiano uso entre nusatros. De traza similar á ro que s'ha feito en o testamento mancomunato, tampó ta ro nombramiento de fiduziario no se requiere a condizió de conyugue ni binclo de parentesco. Se declara d'a manera más terminán que, á toz os efeutos forals, a delazió d'o erenzio no s'acatará produzita dica

o momento de ra execuzión d'a fiduzia u de ra estinzión d'a mesma, e s'atiende con detallo á bels problemas que ra prautica beniba señalando, mui en particular os relativos á l'almenstrazió e desposizió d'os biens mientras o erenzio ye pendién d'asinazió e, por tanto, nezesariamén chazén. S'han meso limites temporals á ixa situazió señalando plazo de zirconduzión á ro fiduziario ta ro cumplimiento d'o suyo encargo, si bien, en atenzió á una reyalidá á saper qué enradigata, ta cuan o unico fiduziario nombrato siga ro conyugue d'o causán o suyo nombramiento s'entenderá feito de por bita e podrá executar o encargo en o suyo propio testamento.

A procupazió por o eficaz cumplimiento d'o encargo se traduze tamién en dibersas desposizions referitas á ra fiduzia coleutiba, encluyita a que aprezia renunzia d'a suya condizió por qui, requerito notarialmén u chudizial, no azeuta ro cargo, u ra que permite o cumplimiento en bels causos, anque nomás quede que uno d'os fiduziarios nombratos.

VII

O Tetulo V, «Normas comuns á ras suzesions voluntarias» tien, en un campo más limitato, funzió similar á ra d'o Primero en o ambito total de ro Dreito de suzesions. Se perfilan as feguras d'o ereu e ro legatario asinas como bellas de lurs modalidaz, s'aportan reglas supletorios u entrepetatibos d'as desposizions voluntarias e s'atiende á bels atos aspectos en que caperba

dudar sobre ro alcance de ra libertá d'os atorgadors.

Ta tot ixo s'han tenito en cuenta como prezedens bellas normas contenitas en os proyeutos aragoneses anteriors á l'Apéndiz de 1925. O dreito d'acrexer se considera alazetato sólo que en a boluntá de ro disponén en atorgando clamamientos conchuntos, siguiendo ra tradizió dotrinal aragonesa; tradizió asinas-mesmo determinadera de ro regle que permite á ro legatario de cosa zierta e determinata esistén en o erenzio prener posesi3n d'ella por el mesmo e aconsiguir a suya inscrizi3n estando inmueble, en o Rechistro d'a Propiedá. Se reculle tamién a esclusi3n de ra reserba legal de biens (á ra que tanto l'Apéndiz como ra Compilazi3n abieron de referir-sen ta refusar l'aplicazi3n de ro Codigo zebil), que sólo se produze que por espresa determinazi3n boluntaria que señale os suyos regles.

VIII

O Tetulo VI ye adedicato á ra lechítima. S'han mantenito os rasgos fundamentals de ro sistema lechitimario istorico en a traza en que se plasmó en a Compilazi3n, con bels retoques favorables á ra mayor libertá de disponer e una detallata regulazi3n que pribe o enserimiento de normas de ro Codigo zebil que, en ista materia encara más que en atras, corresponden á un sistema de raso distinto.

Por tanto, a lechítima, como limite de ra libertá de disponer de que gozan os aragoneses, sigue estando lechítima coleutiba á favor

d'os deszendiens, no bi ha más lechitimarios que els, e ro causán puede con a mesma normalidá tanto dixer os biens nomás que á uno d'els (ye de dar que tamién á ro nieto en bibindo ro fillo), como distribuyir-los en forma tendenzialmén igualitaria, tot ixo seguntes o suyo criterio.

A innobación más bistera consiste en a redución de ra porción lechitimaria á ra metá de ro cabal, en puesto d'os dos terzers en que consistiba antis. S'atiende asinas á ras bozes, prozedens sobre tot de ros ambiens urbanos, que demandaban mayors posibilidaz ta faborexer á ro conyugue con os biens que s'alquirieron en o matrimonio, espezialmén cuan no son importans os que á ra suya bez s'eredoron e, antiparti, se pagó en o suyo momento a formazón d'os fillos e s'aduyó sustanzialmén á lur bienestar economico cuan s'independizaron; agora bien, no se güega ra mayor libertá á ista fin espezfica, sino que queda ubierta á ras bariadas zercustanzias e motibazions de cada causán.

En consideración á ro biduo, antimás, s'introduzen á ro suyo favor bellas desbiacions en os regles sobre redución de liberalidaz e intanchibilidá cualitatiba de ra lechitima. Se define con prezisión quí son lechitimarios de grau preferén, pues d'ista condición pende ra lechitimación ta l'azón de redución de liberalidaz (u de lesión de ra lechitima coleutiba, si atendemos á ra suya causa) ye a prenzipal que s'ofrexe á ros lechitimarios cuan o causán ha disposato crebantando ros limites forals. En efeuto, antimás d'estar a que prozede cuan o

conchunto d'os deszendiens no ha perzibito benefizios en cuantía á ro menos de ra metá de ro cabal computable, ye ra unica que, en o suyo causo, pertoca á ros lechitimarios de grau preferén que aigan estato preteritos de traza intenzional u escluyitos de traza boluntaria.

Tamién en o supuesto d'infrazió de ra intanchibilidá cualitatiba de ra lechitima por aber-la atrebuyito ro causán en biens no legatos as consecuenzias se reglan con referencia á l'azón de redución, pero en ista materia, antimás, se determinan con ficazio os grabámens premititos e ros entreditos sobre a lechitima, a consecuenzia de que ro grabámen pueda aber-se por no meso en o segundo causo, e ras clamatatas «cautelatas d'ozión compensatoria», sochetas a limites pro estritos.

S'ha pribato ro conzeuto de «lechitima formal», una nobedá de ra Compilación, que no parexe que aiga puesto cumplir a función sistematizadera e d'ausilio á ra entrepetazón que caleba asperar d'ella. No bi ha, por tanto, un deber de nombrar u ementar á dengún lechitimario en o auto de desposición *mortis causa*. A preterición s'ha reglato d'aluerdo con a que s'entiende debe estar a suya función propia en o nuestro Dreito, que ye pribar que o lechitimario de grau preferén quede escluyito d'o erenzio sin aber-ne quiesto ro causán, como consecuenzia de que iste, en dispoando, esconoxeba ra esistencia de ro lechitimario u ra suya condición de tal, en particular por aber naxito dimpués, creyer o causán que yera fenezito u esconoxer que yera deszendién suyo. En istos causos, o lechitimario preterito tien dreito á

una porzi3n en o cabal legato igual á ra de ro menos faborexito por o causán, salbo que preterito aiga estato ro unico u toz os lechitimarios de grau preferén, causo en que se produze a delazi3n abintestato de tot ro cabal legato, fueras de que aiga estato desinato ereu u legatario bel atro deszendién.

Istas consecuencias son semellans á ras prebeyitas en a Compilazi3n, pero no asinas os supuestos. En particular, ta cuan a preterizi3n siga intenzional, —cosa que, anti-más, se presume— dengún dreito u azi3n espezficos no naxen ta ro asinas escluyito por a omisi3n de tota atrebuzi3n e menzi3n á ra suya fabor. Menzi3n, por o demás, que ta estar sufizi3n á efeutos de pribar a preterizi3n, basta en cualesquier parti u clausula de ro testamento u escritura, mesmo sin desposizi3n beluna u esclusi3n espresa.

Por consiguién, a esclusi3n espresa, como a preterizi3n intenzional, no ha de producir atos efeutos que, en o suyo causo, o dreito á reclamar a lechitima coleutiba fren á terzers, efeuto que no ye, propiamén, de ra preterizi3n u esclusi3n, sino de ra lesi3n de ra lechitima. A esclusi3n boluntaria d'un lechitimario sin nezesidá d'alegar causa beluna tien, manimenos, atos efeutos cuan ye asoluta, ye dizir, cuan o disponén espresa a suya boluntá de quitar á lo escluyito tot dreito en a suzesi3n, o que li bieda en efeuto (e salbo que afeute á toz u á l'unico lechitimario) mesmo ro dreito á suzeder abintestato e de ro d'exerzitar l'azi3n de lesi3n, en os que será sustituyito por a suya retalinia de deszendiens si en tenese.

Puesto que en o Dreito aragonés s'ha puesto, dende fa sieglos, escluyir d'o erenzio á bel u bels de ros fillos sin dixer-les, alcaso, nomás que ra manda simbolica de ros famosos zinco sueldos u formulas similares, ya se repleca o muito distinto e limitato chuego de ra deseredazi3n propiamén dita en a nuestra bita churidica. Ye de suposar que se seguirá mantenendo en tan estreitos limites, pues sólo parece aber sentito prautico cuan o causán quiere escluyir d'o erenzio á toz u á l'unico deszendién, finalidá que no podrá lograr si no concorre y, en o suyo causo, se preba, beluna d'as causas tasatas ta ixo. Nomás que por iste camín se puede plegar á lo eszeuzional resultato de ra estinzi3n de ra lechitima coleutiba.

En tot causo, as consecuencias serán as de ra esclusi3n asoluta.

Zarra o Tetulo «De ra lechitima» una curta referenzia á ro dreito d'alimentos que, en bels causos e de traza susidiaria respeito d'atras obligazi3ns alimentizias, puede naxer á fabor de ros lechitimarios de grau preferén, mantenendo-se asinas, en o esenzial, o prezeuto de ra Compilazi3n con bellas prezi3ns e restrizi3ns.

IX

Ta ro causo de que falte, totalmén u parzial, a ordinazi3n boluntaria de ra suzesi3n, se da ra «suzesi3n legal», ocheto de ro Tetulo VII. Se considera preferible parlar de «suzesi3n legal» en puesto de suzesi3n intestata u abintestato, abendo cuenta de ra posible existencia de pautos suzesorios. A regulazi3n ye

formalmén completa, sin de remissions á ro Dreito supletorio, con pocas bariacions respeuto de ro Dreito ya bichén, pero con desarrollo más detallato que fazilite ra suya aplicazi3n.

Naturalmén, s'ha conserbato ra suzesi3n troncal, calificata espresamén como unibersal. As suyas normas, encara que con una atra formulazi3n, no distan guaire de ras anteriors, anque limitando bella cosa os supuestos. Ta cuan prozeda, a prebisi3n sobre a suya constanzia en as declarazi3ns d'ereus abintestato fazilitará fer baler lurs dreitos troncales. S'ha preszindito de ro recobro de dote y excrex por o total desuso d'istos institutos, pero se mantiene o de liberalidaz feitas á favor de deszendiens u chirmans.

Por o demás, a suzesi3n d'os deszendiens e, respeuto de ros biens no troncales ni recobrables, a favor de ros aszendiens, o conyugue y ros colaterals queda reglata sin alterazi3n de fondo, con o mesmo limite de lo cuatreno grau e l'anteposizi3n de ro conyugue á toz os colaterals que lo reparo de ro Codigo zebil de 1981 introduzi3n en Aragón. Encara que l'abaluazi3n d'iste criterio, perfeutamén asumito en ambiens zitudanos, quizau difiera en as distintas redoladas d'Arag3n, a esistencia de normas propias ta ros biens troncales lo fa adecuado ta toz.

Se mantiene ro clamamiento á favor de ra Comunidá Autonoma en defeuto de tota atra presona clamata á ra suzesi3n, tal como determinó ro Fuero 4/1995, de 29 de marzo, asinas como ro clamato Prebiblechio d'o Espital d'a Nuestra Señora de Grazia u Probinzial de

Zaragoza, en atenzi3n á ro razonable d'ista tradizi3n secular.

X

A «Parti zaguera» de ro Fuero consiste en una desposizi3n adizional, diez desposizi3ns transitorias, una senzilla pero fundamental desposizi3n zirconduzidera e dos desposizi3ns zagueras.

S'ha cudiato en as desposizi3ns transitorias de fazilitar o transito d'o fuero zirconduzito ta iste nuebo, partindo de ro regle cheneral que sozmete as suzesions por causa de muerte á ro fuero bichén en o momento de ra obredura de ra suzesi3n. As atras son eszeuzions u modalidaz d'ista ta causos particulars, que tienden á mantener a balgua y eficacia de ros autos de desposizi3n e tamién á produzir efeutos inmediatos en bels fenomenos que se desarrollan en un tiempo posiblemén luengo, como ra suzesi3n pauzionata, o consorzio foral u ra fiduzia suzesoria.

Antis s'ha aludito, en fendo referencia á ra sustituzi3n legal, á ra desposizi3n transitoria cuatrena, que contiene regle espezial ta unos casos asinasmesmo espezials. En o tocante á ra desposizi3n transitoria dezena, sobre preterizi3n, alcaso no fuese impreszindible, pues a entrepetazi3n menaba en o Dreito de ra Compilazi3n ta ro mesmo regle que ro más clamamén espresato en o presén Fuero, pero s'ha considerato prudén ficar-la ta espazar tota posible duda.

A desposizi3n zaguera primera da una nueba redazi3n á ro Tetulo

Preliminar de ra Compilación de ro Dreito zebil d'Aragón, ye dizir, os tres primers articlos d'ísta. A finalidá ye espresar con mayor rigor e chusteza ro sistema de fuens de ro Dreito zebil d'Aragón, ta ro que tien competencia plena ra Comunidá Autonoma en bertú de ro cabo zaguero de l'artículo 149-1.8.^a de ra Constitución. A nueba redazón respeta á preset o testo anterior d'istos articlos, que ye de notable altaria teunica e ye bien alazetato en a nuestra cultura churidica, modificando-lo en o nezesario ta espresar millor o sistema ya esistén como consecuencia de ros cambeos operatos por a Constitución e ro Estatuto d'Autonomía.

Resulta cuan menos oportuna ista modificación de ro texto de ro Tetulo Preliminar de ra Compilación, de bez que s'apreba ro primer fuero aragonés de Dreito zebil distinto e fueras de ra Compilación, pues seguntes l'artículo primero d'ísta, en a suya redazón anterior, que «constituyen o Dreito zebil d'Aragón ... as desposizioni d'ista Compilación...» parexeba dar á entender que no bi ha ni puede aber-bi atro fuero aragonés de Dreito zebil que ra propia Compilación. Espresión, por tanto, trafucadera, que dentrabá en escuentradición con a existencia de ro presén Fuero e as posibles inziatibas futuras de ro lechislador aragonés.

As fuens s'anumeran agora en o cabo primero de l'artículo primero de traza dreita e sintetica, dixando á ros articlos siguiens, como ya alcurrre en o testo que se zirconduze, a determinación d'a suya cherarquía e relaziens. En o cabo segundo de ro mesmo artículo se señala ra forma

en que ro Dreito estatal autúa como supletorio en o ambito de ro Dreito zebil aragonés, respetando, por o demás, plenamén, como no podeda estar d'atra manera, os ambitos competenzials estatuezitos en a Constitución y en o Estatuto d'Autonomía.

En os articlos segundo e tercero s'aclara que no bi ha más normas imperatibas u entredizideras aplicables en o Dreito zebil d'Aragón — limites, en consecuencia, tanto de ro costumbre como de ro prenzipio *standum est chartae*— que ras de l'Ordinamiento churidico aragonés e ras superiors á ro mesmo, ye dizir, a Constitución; pribando asinas bel dandolo entrepetatibo á ro que alcaso s'ampraba ro testo antis bichén, que estió redautato en a bastida churidica preconstitucional. Naturalmén, en o campo de ra competencia d'o Estado, as normas imperatibas de ro Codigo zebil e de ras demás leis estatals produzirán os suyos efeutos propios, conforme á ro sistema de fuens estatal; pero ye igualmén claro que as normas de ro Codigo zebil u d'atras leis d'o Estado, en cuanto autúan como supletorias de ras aragonesas en o ambito de ra esclusiba competencia autonoma, operan nomás en defeuto, no sólo que de lei, sino que tamién de costumbre e dimpués de que esplegue toz os suyos efeutos o prenzipio *standum est chartae*, ye dizir, en a traza endicata en o cabo 2 de l'artículo 1^{ero}.

Ta propiziar, mesmo en limitata mida, una mayor aplicazón de ras normas consuetudinarias, en o artículo 2^{ndo} de ra Compilación se sustituye a espresión «a suya conoxenzia» por a de «as suyas propias imbestiga-

zions», que ye a que proposaban toz os proyeutos de Compilazi3n feitos en Arag3n en os a3os sisanta. Anque bien podeba replecar-se que ra suya conoxenzia encluyiba a reyalizaci3n de imbestigazi3ns ta formar-lo, a imbitazi3n m3s clara 3 ros chuezes e trebunals 3 imbestigar con os meynos que ras leis de prozedimiento lis brindan a bichenzia d'un costumbre ye alcuerde, de bez, con a crexi3n inizatiba que ban asumiendo legalm3n en os prozesos zebils e con a combenienzia de que no dixen d'aplicar-sen, cuan prozedan, costumbres reyalmen3n esistens.

Ta rematar, a Desposizi3n zaguera segunda prebeye una *vacatio legis* superior 3 la ordinaria, que s'ha estimato combeni3n data l'amplaria e trazendencia de ro Fuero ta que ra sozied3 e ros professionals de ro Dreito puedan conoxer de traza sufizi3n o alcance de ras nuebas normas.

TETULO PRIMERO

De as suzesions en cheneral

CAPETULO PRIMERO

DESPOSIZIONS CHENERALS

Articulo 1.—*A suzesi3n por causa de muerte*

A suzesi3n por causa de muerte ye a ordinazi3n d'o dest3n d'as relazi3ns churidicas d'una presona espiritata que no s'acotolen por a suya muerte y no sigan sochetas 3 regles distintos. En os pautos suzesorios bels efeutos d'a suzesi3n *mortis causa* s'abanzan 3 ra muerte d'o insituy3n.

Articulo 2.—*Modos de delazi3n*

1. A suzesi3n se defiere por testamento, por pauto u por desposizi3n d'o Fuero.

2. Os distintos modos de delazi3n son compatibles entre els.

Articulo 3.—*Ordinazi3n boluntaria*

O caus3n espleita d'a m3s ampla libert3 ta ordenar a suya suzesi3n por pauto, por testamento indidual u mancomunato, u por meyo d'uno u m3s fiduziarios, sin m3s limites que o respeto 3 ra lechitima e os chenerals d'o prenzipio *standum est chartae*.

Articulo 4.—*Suzesors por causa de muerte*

1. Os clamamientos suzesorios pueden fer-sen 3 tetulo unibersal u particular; en os primers se suzede en a totalid3 u en una parti alicota d'o patrimonio d'o fenezito, mientras que en os segundos se suzede en biens u dreitos determinatos.

2. Os suzesors por causa de muerte pueden estar ereus, legatarios u suzesors 3 tetulo particular por desposizi3n foral.

3. Ye tami3n legatario qui rezibe d'o dispon3n bel dreito que no forma parti d'o erenzio.

Articulo 5.—*Momento e puesto d'obredura d'a suzesi3n*

1. A suzesi3n s'ubre en o momento d'a muerte d'o caus3n, y en o puesto d'o suyo zaguer domicilio.

2. Si se duda, entre dos u m3s presonas clamatas 3 suzeder-sen, qu3 d'ellas ha muerto primero, o que sostiennga ra muerte anterior d'una presona u d'una atra debe

prebar-la; á manca de preba, se presumen muertas en o mesmo momento y no se fa ra trasmisión de dreitos d'uno á otri.

Artículo 6.—*Momento d'a delazió*

1. A suzesión se defiere en o momento d'o fenezimiento d'o causán.

2. En a suzesión baxo condizió suspensiba, a delazió se ferá á o tiempo de cumplir-se a condizió.

3. En os clamamientos suzesibos, si s'ha tramullato o clamamiento anterior, a suzesión se da como deferita á o sustituto á o tiempo d'o fenezimiento d'o causán. No abendo-se tramullato o clamamiento d'antis, a nueva delazió se fa cuan espirite o ereu prezedén u d'atra traza s'acotole ro suyo dreito.

4. En a suzesión por achuste y en a fiduzia, o momento d'a delazió se riche por as suyas normas respetibas.

Artículo 7.—*Alquisizió d'o erenzio*

1. O clamato á tetulo d'ereu que azeuta o erenzio alquiere os biens e dreitos d'o mesmo, se surroga en as obligazió d'o causán e queda artato á cumplir as cargas hereditarias, tot ixo dende o momento d'a delazió.

2. En o erenzio deferito por pauto suzesorio es efeutos trasmisibos penden en o pautato, sin que dimpuesas d'a muerte d'o instituyén se requiera nueva azeutazió d'o instituyito que interbenió en o pauto.

3. O suzesor á tetulo particular alquiere o suyo dreito dende o momento d'a delazió, sin perchudizio d'a posibilidá de refusar-lo.

Artículo 8.—*Ineficazia d'o clamamiento boluntario*

1. Cuan resulte ineficaz un clamamiento boluntario, no bi aiga sustituto d'o mesmo caráuter u foral ni se dé o dreito d'acrexer, a porzió bacán d'o clamato á eredar pasará á os ereus forals d'o causán e si se trata d'un legato se refundirá con a masa d'o erenzio.

2. Qui ereda como consecuencia d'a ineficazia d'un clamamiento boluntario, aunque siga como ereu foral, queda socheto á ras mesmas modalidaz, limitazió e obligazió imposatas á o primeramén desinato, salbo que sigan puramén personals d'íste u que o disponén ese prebisto una atra cosa.

Artículo 9.—*O erenzio chazén*

1. Dende a obredura d'a suzesión dica l'azeutazió d'o clamato o erenzio manca de tetular.

2. L'almenistrazió d'o erenzio chazén pertocará á ra presona que ese desinato, en o suyo causo, o causán.

3. Á manca d'almenistrador os clamatos como ereus podrán reyalizar esclusibamén autos posesorios, de conserbazió, de custodia e d'almenistrazió d'o erenzio. Ditos autos por els solos no implican l'azeutazió d'o mesmo.

4. Asinas mesmo, os clamatos como ereus podrán demandar o nombramiento d'un almenistrador chudizial d'o erenzio d'aluerdo con o estatuezito en as leis prozesals.

5. A situazió churidica d'o erenzio chazén en os causos de fiduzia se rechirá por as suyas normas propias.

CAPETULO II

CAPAZIDÁ Y ENDINIDÁ TA SUZEDER

Artículo 10.—*Capazidá suzesoria d'as presonas fesicas*

1. Tienen capazidá suzesoria totas as presonas naxitas u conzebidas en o tiempo d'a obredura d'a suzesión e que perbiban á o causán. Manimenos, en a suzesión boluntaria puede disposar-se á favor d'os fillos agún no conzebidos de presona determinata biba en o tiempo d'a obredura d'a suzesión.

2. Fuera de preba en contrario, se presumirá conzebido en o tiempo d'a obredura d'a suzesión o que naxca antis d'os tresientos días siguiens á o fenezimiento d'o causán.

3. Si o causán ha espresato en debita forma ra suya boluntá de fecundación asistita *post mortem* con o suyo material reproductor, os fillos asinas naxitos se considerarán conzebidos en o tiempo d'a obredura d'a suzesión siempre que se cumplan os requisitos que a lechislación sobre ixas teunicas de reproducción estatueze ta determinar a fillación.

Artículo 11.—*Clamamientos á favor de no naxitos*

O erenzio deferito á favor d'un encara no naxito, siga conzebido u no, se meterá en almenistrazión, con sochezión á os regles d'o erenzio baxo condizión suspensiba.

Artículo 12.—*Capazidá suzesoria d'as presonas churidicas*

1. Tienen capazidá suzesoria as presonas churidicas constituyitas legalmén en o tiempo d'a obredura d'a suzesión.

2. Si o causán, en a suya desposición por causa de muerte, creya u ordena creyar una presona churidica que sólo quede constituyita legalmén que dimpués d'a obredura d'a suzesión, ísta tendrá capazidá ta alquirir as atrezubions patrimoniales ordenatas por o causán dende que tenga presonalidá, pero os efeutos se retrotrayerán á o momento d'a delación.

Artículo 13.—*Causas d'endinidá*

Son incapazes de suzeder por causa d'endinidá:

a) Es pais que abandonasen, prostituyisen u corrompesen á os suyos descendiens.

b) O que fuese condenato por aber atentado cuenta ra bita d'o causán, d'o suyo conyugue, descendiens u aszendiens, cuenta ra bita d'o fiduziario u cuenta ra bita d'otri clamato á ro erenzio a muerte d'o cual faborexca en a suzesión á ro endino.

c) O que fuese condenato á pena d'inabilitación espezial ta ro exerzizio d'os dreitos de patria potestá u autoridá familiar, tutorío, guarda u acullimiento familiar en as suzesions d'as presonas ta ras que recutirá la pena e lurs descendiens.

d) O que fuese condenato por acusación u denunzia falsa cuenta o causán u o fiduziario, en relación con un malalzau ta o cual a Lei siñale una pena grieu.

e) O ereu mayor d'edá que, sapedor d'a muerte biolenta d'o causán, no'n ese dato notorio drento d'un mes á ra chustizia, cuan ísta no ese autuato ya d'ofizio.

f) O que, con menaza, frau u biolenzia, obligase á o causán u á o fiduziario á atorgar, abdicar u modificar as desposicions suzesorias.

g) O que por iguais meyo em-pachase á otri atorgar pauto suzesorio, testamento u auto d'execución d'a fiduzia, u abdicar u modificar os que tenese feitos, u suplantase, amagase u alterase atos posteriors.

Artículo 14.—*Momento ta calificar a capacidá*

1. Ta calificar a capacidá suzesoria s'atenderá á o tiempo d'a delazióu.

2. En os casos b), c) y d) de l'artículo de debán s'asperará á que se dite a sentenzia firme, y en o e) á que trascorra o mes señalato ta ra denunzia.

Artículo 15.—*Efeutos d'a endinidá*

1. As causas d'endinidá suzesoria produzirán efeuto cuan las imboquen presonas que resultarban faborexitas en a suzesión, si se declarase a endinidá, pero, una begata declarata, os suyos efeutos se retrotrayerán á o tiempo d'a delazióu.

2. A endinidá declarata priba á ro endino d'o erenzio u legato y, en o suyo causo, d'a condizióu de lechitimario.

Artículo 16.—*Deber de restituziúu*

O endino de suzeder que ese dentrato en posesiúu d'os biens d'o erenzio u d'o legato tendrá que tornar-los con as suyas azesions e con toz os frutos e rendas que en aiga perzibito.

Artículo 17.—*Reabilitaziúu d'o endino*

1. As causas d'endinidá suzesoria no abrán efeuto si o causán, conoxendo-las, fa desposiziúu á favor de ro endino, se reconzilia con el u li perdona en escritura

publica. A reconziliaziúu e o perdón serán inabdicables.

2. O fiduziario podrá dixar ineficazes as causas d'endinidá por os mesmos autos que o causán, salbo que íste expresamén le'n aiga entredito.

Artículo 18.—*Zirconduziúu de l'aziúu*

L'aziúu declaratiba d'a endinidá zirconduzirá trascorritas zinco añadas dende que ro endino de suzeder siga en posesiúu d'o erenzio u legato.

CAPETULO III

SUSTITUZIÓN FORAL

Artículo 19.—*Conzeuto*

Fueras de prebisiúu en contrario d'o disponén, os deszendiens d'un clamato á tetulo unibersal u particular u lechitimario de grau preferén ocupan o puesto d'íste en a suzesión u en a lechitima por sustituziúu foral en os casos prebistos en iste Fuero.

Artículo 20.—*Ambito*

1. A sustituziúu foral puede darse en a suzesión boluntaria y en a foral, asinas como en a lechitima.

2. A sustituziúu foral se da en a linia deszendén, pero no en l'aszendén. En a linia colateral sólo se da que en favor d'os deszendiens de chirmans, bien sigan de dople bin-clo, bien d'un solo costato.

Artículo 21.—*Suzesions boluntarias*

1. En as suzesions boluntarias a sustituziúu foral se da cuan o clamato ha premorito u ye estato declarato ausén u endino de suzeder.

2. A sustitución foral se produce en favor d'os deszendiens, sin limitación de grau, d'o sustituyito que á ra suya bez siga deszendién u chirmán d'o causán.

3. Es sustitutos que reziban a porción d'o clamato á ro erenzio declarato ausén deberán cumplir as obligacions que imposa ra normativa sobre l'ausenzia.

Artículo 22.—*Suzesión pautata*

Os reglas de l'artículo de debán son d'aplicación á ra suzesión pautata, salbo en o caso de premorienza d'o instituyito á ro instituyén reglato en l'artículo 72.

Artículo 23.—*Suzesión foral*

1. En a suzesión foral a sustitución se da cuan o clamato ha premorito, ye estato declarato ausén u endino de suzeder, asinas como cuan ye estato deseredato con causa foral u escluyito asolutamén en a suzesión.

2. En tals supuestos, a sustitución foral en favor d'os deszendiens d'o deszendién sustituyito, se produce sin limitación de grau y encara que concorran solos; mientras que a suzesión foral en favor d'os deszendiens d'o chirmán sustituyito, sólo plega dica o cuatreno grau á contar d'o propio causán e siempre que no concorran nomás que fillos u nomás que nietos d'o chirmán sustituyito.

Artículo 24.—*Sustitución foral en a lechítima*

1. A sustitución foral en a condición de lechitimario de grau preferén se da cuan o lechitimario ha premorito, ye estato deseredato por causa legal u declarato endino de suzeder.

2. Á o lechitimario de grau preferén escluyito asolutamén en a suzesión li sustituyen tamién es suyos deszendiens, pero conserba o dreito d'alimentos prebisto en l'artículo 200.

Artículo 25.—*Efeutos*

1. Por a sustitución foral, a delación en favor d'o sustituyito u a suya condición de lechitimario de grau preferén pertoca á ra suya retalinia de deszendiens, de traza que o sustituto u sustitutos forals ocupan o puesto que aberba pertocato á o sustituyito si no ese concurrito causa de sustitución.

2. Ta que opere a sustitución foral no ye preziso que o sustituto plegue á eredar á o sustituyito.

Artículo 26.—*Inesistenzia en caso de renunzia*

En caso de renunzia u refusamiento no se produce a sustitución foral.

CAPETULO IV

AZEUTAZION E REFUSAMIENTO D'O ERENZIO

Artículo 27.—*Libertá ta azeutar u refusar*

1. O clamato á un erenzio podrá libremén azeutar-lo u refusarlo, en producir-se a delación á o suyo favor.

2. Si son barrios os clamatos á lo erenzio, cadaguno d'els puede azeutar-lo u refusarlo con independencia d'os otros.

3. O atrazato en iste capetulo s'acata sin perchudizio d'o estatuezi-to ta l'azeutación u renunzia d'uno

u barrios achustadors d'un pauto suzesorio.

Artículo 28.—*Caráuters de l'azeutazón e o refusamiento*

1. L'azeutazón e o refusamiento son autos unilaterals e inabdicables d'o clamato á lo erenzio e os suyos efeutos se retrotrayen á o momento d'o fenezimientu d'o causán.

2. Son nulas l'azeutazón e o refusamiento d'o erenzio feitos á plazo u condizionalmén.

Artículo 29.—*Dibersidá de clamamientos á un mesmo erenzio*

1. O clamato á un erenzio por desposición boluntaria que sin ella fuese tamién clamato por desposición d'o fuero, se repleca que si la refusa por o primer tetulo l'ha refusatada por os dos, salbo que en o mesmo auto manifieste a suya boluntá d'azeutar como ereu foral. En iste zaguer causu, quedará socheto á ras mesmas modalidaz, limitazions e obligazions impositas por o disponén.

2. Si o clamato refusa o erenzio como ereu foral e sin notizia d'o suyo clamamiento boluntario, puede azeutar-la encara por íste.

Artículo 30.—*Azeutazón e refusamiento parzial*

1. Ye nula l'azeutazón u o refusamiento parzial d'o erenzio u cota d'ella deferita á o clamato.

2. O clamato por distintos modos de delazón puede azeutar por un clamamiento e refusa por atro.

3. O clamato simultaniamén como ereu e legatario puede azeutar por un conzeuto e refusa por l'atro.

Artículo 31.—*Capazidá d'as presonas fésicas ta azeutar u refusa*

1. Pueden azeutar un erenzio as presonas mayores de catorze años no incapacitadas; pero ta refusa-la os menors d'edá mayores de catorze años, encara que sigan emanzipatos, amenistarán de l'asistencia que requiere a Compilazón d'o Dreito zebil.

2. L'azeutazón e o refusamiento d'as atrezubions deferitas á menors de catorze años u á incapacitatos sozmesos á tutela u á autoridá familiar alongata u rehabilitada pertoca á os suyos representans legals; pero ta refusa-las nezesitarán l'autorización d'a Chunta de Pariens u d'o Chuez. Denegata l'autorización chudizial será capita automaticamén como azeutata l'atrebuzión suzesoria.

3. Conforme á ro atrazato en o trestallo 1 de l'artículo 9 d'a Compilazón d'o Dreito zebil, estando representans amos pais, puede azeutar en nombre d'o fillo cualquiera d'els; sin dembargo, o refusamiento desichirá a interbenzión d'os dos.

4. O sozmeso á curatoria puede azeutar u refusa o erenzio con l'asistencia d'o curador, fueras de que s'estatuezca un rechimen distinto en a sentenzia d'incapacitazón.

Artículo 32.—*Azeutazón e refusamiento por as presonas churidicas*

A capacidá e os requisitos ta l'azeutazón e refusamiento d'os erenzios deferitos á ras presonas churidicas de dreito publico u pribato se richen por as normas que espezificamén lis sigan aplicables. Á manca d'ístas, s'aplican á l'azeutazón os regles d'a presona churidica relati-

bos á es autos d'almenstrazi3n e á ro refusamiento os regles d'os autos de desposizi3n de biens.

Artículo 33.—*Interpelazi3n*

1. Trascorritos trenta días dende que s'aiga produzito a delazi3n, cualesquier terzero intresato podrá demandar á o Chuez que señale á o clamato un plazo, que no podrá eszeder de sisanta días, ta que manifieste si azeuta u refusa o erenzio.

2. O Chuez albertirá á o clamato de que, si trascorrito o plazo señalato no ha manifestato a suya boluntá d'azeutar u refusar, se tendrá o erenzio por azeutato.

Artículo 34.—*Formas d'azeutazi3n*

1. O clamato puede azeutar o erenzio espresamén u tazita.

2. Azeutazi3n espresa ye a que o clamato fa en documento publico u pribato en o que manifiesta ra suya boluntá d'azeutar o erenzio.

3. Tazita, ye a que se da por meyo d'autos d'o clamato que suposan nezariamén a boluntá d'azeutar o que no poderba fer si no fuese ereu.

Artículo 35.—*Azeutazi3n tazita*

1. En particular, se considera azeutato ro erenzio por o clamato que:

a) Dona u trasmite á tetulo oneroso o suyo dreito á lo erenzio u beluno d'os biens que la componen.

b) Renunzia á favor de nomás que beluno u beluns d'os clamatos á lo erenzio.

c) Bistraye u amaga biens d'o erenzio.

2. No s'entinde azeutato lo erenzio por o clamato que faiga autos posesorios, de conserbazi3n,

costodia u almenstrazi3n d'o erenzio, u que apoca os impuestos que cargan a suzesi3n, salbo que con els prenga o tetulo u a cualidá d'ereu.

3. Tampó no se repleca azeutato lo erenzio por o clamato que arrenunzia gratuitamén á ella en favor de totas as presonas á ras que se defiere a cota d'o renunzián.

Artículo 36.—*Forma d'o refusamiento*

O refusamiento d'o erenzio cal fer-lo de forma espresa en escritura publica u por meyo d'escrito enfilato á o Chuez competén.

Artículo 37.—*Efeutos d'o refusamiento*

Á toz os efeutos legals, s'acatará que o que refusa o erenzio deferito á ra suya favor no ye estato clamato nunca á er.

Artículo 38.—*Refusamiento en perchudizio de crededors*

1. Si o clamato refusa o erenzio en perchudizio d'os suyos crededors, podrán ístos demandar á o Chuez que lis autorize ta azeutar-la en nombre d'aquéel.

2. Conzedita l'autorizazi3n, o unico efeuto que produze ye o de facultar á os crededors ta fer efeutibos os suyos credits sobre o patrimonio ereditario.

3. O dreito d'os crededors ta demandar a debandita autorizazi3n zirconduze á ras cuatro añadas á contar dende o refusamiento.

Artículo 39.—*Trasmisi3n d'o dreito á azeutar u refusar*

1. Fueras d'espresa prebisi3n en contrario d'o disponén, por a muerte d'o clamato sin azeutar ni refusar o erenzio se trasmite por menisterio d'o fuero a os suyos ereus, en a pro-

porzión en que lo sigan, o mesmo dreito que el teneba á azeutar-la u refusar-la.

2. A trasmisión d'o dreito á azeutar u refusar o erenzio d'o causán sólo se produze que en favor d'o clamato que azeuta o erenzio d'o trasmitén; si son barios os que l'azeutan, cadaguno puede exerzitar o dreito trasmitito con independencia d'os otros e con dreito preferén d'acrexer entre els.

3. L'usufruito de biduedá d'o conyugue d'o trasmitén s'estendillará á os biens asinas alquiritos por os ereus d'íste, sin perchudizio d'o que, en o suyo causo, prebiamén pertoque á o conyugue d'o primer causán.

CAPETULO V

RESPONSABILIDAD D'O EREU

Artículo 40.—*Limitación d'a responsabilidad d'o ereu*

1. O ereu, encluyito ro troncal, responde d'as obligazions d'o causán e d'os legatos e demás cargas ereditarias escluibamén con os biens que reziba d'o cabal legato, aunque no se'n faiga imbentario.

2. Sin dembargo, cuan os biens eredatos que bi esistan no sigan sufziens, o ereu responderá con o suyo propio patrimonio d'a balgua d'o eredato que allene, consuma u emplegue en o apocamiento de credits ereditarios no zirconduzitos, asinas como a balgua d'a perduga u deboro que, por a suya culpa u negligenzia, se produzca en os biens eredatos.

Artículo 41.—*Cargas ereditarias*

Entre as cargas ereditarias s'encluyen os gastos causatos por a zaguera malotía d'o causán, asinas como os

d'os suyos funerals e apedecamiento u cremazión, os de conserbazión y esfensa d'os biens d'o erenzio causatos en intrés común e cualesquiera otros de naturaleza analoga.

DESEPARAZIÓN DE PATRIMONIOS

Artículo 42.—1. A confusión de patrimonios no se produze en mal d'o ereu ni de os que tiengan dreitos sobre o cabal legato.

2. L'azeutazión d'o erenzio no produze a estinzión d'os dreitos e credits d'o ereu cuenta o erenzio, ni os d'íste cuenta aquél.

Artículo 43.—*Emparamiento de biens d'o ereu*

O ereu puede opasar-se á ro emparamiento de biens d'o suyo propio patrimonio alazetato en credits cuenta o erenzio por a bía d'a terzería de dominio. Á ra demanda caldrá achuntar nezariamén un imbentario d'os biens legatos rezibitos, que podrá estar impunato por o crededor en o mesmo prozedimiento.

Artículo 44.—*Preferenzias*

1. En relación con es biens d'o cabal legato, os crededors d'o erenzio espleitan de preferenzia sobre os legatarios e amos sobre os crededors presonals d'o ereu.

2. Cuan o ereu deba responder con o suyo patrimonio presonal d'a balgua d'o eredato, os crededors ereditarios e legatarios concorrerán sin preferenzia con os crededors particulars d'o ereu.

Artículo 45.—*Perpago de deutas e legatos*

1. O ereu perpagará á os crededors d'o causán á mesura que se presenten, cobrará os suyos credits y, en zagueras, cumplirá os legatos.

2. Manimenos, si consta que be-luno d'os credits conoxitos ye prefe-rén, no se ferá o pago sin prebia pre-cura á favor d'o crededor de millor dreito.

Artículo 46.—*Formas de pago*

1. O ereu puede perpagar as deutas e cargas d'o erenzio con os biens rezibitos d'o cabal legato u con o suyo propio patrimonio.

2. Si o ereu s'eszedese d'a bal-gua d'o eredato en o perpago á os crededors, ístos no serán artatos á tornar.

CAPETULO VI

COLAZIÓN E PARTIZIÓN

Cabo 1.^{em} Colazión

Artículo 47.—*Boluntariedá*

1. A colazión de liberalidaz no prozede por menisterio d'o fuero, pero puede ordenar-se en o tetulo d'a propia liberalidá u en o pauto suzesorio u testamento.

2. A obligación de colazionar imposata podrá estar escusata por o disponén en testamento u escritura publica.

Artículo 48.—*Liberalidaz no colazionables*

Cuan o causán ese atrazato a co-lazión d'as liberalidaz feitas por el, no s'entenderán abastatas, salbo que espresamén asinas lo declare, as liberalidaz e gastos á que se refiere o trestallo 2 de l'artículo 174.

Artículo 49.—*Prautica d'a colazión*

1. No han de trayer-sen á cola-zión e partizión as mesmas cosas

donatas, sino a balgua que tenesen á o tiempo d'a donazión atualizand-o ro suyo importe á ro momento en lo que se prezien es biens eredi-tarios.

2. O donatario prenerà de menos en a masa ereditaria tanto como ya ese rezibito, perzibindo os suyos coereus o equibalén, en que siga posible, en biens d'a mesma nat-uraleza, espezie y calidá.

3. Si un coereu, por meyo d'as liberalidaz colazionables, ha rezibi-to más d'o que li pertocarba en a partizión, no ye artato á restituyir o que sobrexe ni ha de rezibir cosa en a partizión.

Cabo 2.^{ndo} Partizión

Artículo 50.—*Dreito á ro estallamiento*

1. Tot tetular d'una cota en un erenzio u porzión d'el tien dreito á promober en cualesquier tiempo ro estallamiento d'a comunidá.

2. Manimenos, o disponén po-drá ordenar que tanto respeito á lo erenzio como á biens concretos d'ís-te no se prozeda á ra partizión por un tiempo determinato, que no podrá brincar de quinze añadas á contar dende a obredura d'a suze-sión, u por o tiempo en que os biens sigan sochetos á l'usufruito d'o biduo. Igualmén, os partezipes po-drán combenir de traza unanime o no estallamiento por un plazo maisi-mo de quinze añadas. En os dos cau-sos, podrá prolargar-se o no estalla-miento por alcuerto unanime d'os partezipes por termino que, cada begata, no siga superior á quinze añadas.

3. Aunque bi aiga entredizión u pauto de no estallamiento, o Chuez puede autorizar a partizión á de-

manda de cualesquier partezipe si concorre una chusta causa sobrebenita.

Artículo 51.—*Partizi3n con menors de catorze años u incapazitados*

1. En representazi3n d'os menors de catorze años u incapazitados, demandarán a partizi3n e interbenrán en ella:

a) Si son sochetos á l'autoridá familiar, mesmo prolongata u rehabilitata, os pais autuando de mancomún, u nomás que uno d'els, cuan bi aiga oposizi3n d'intreses d'o menor u incapazitado con l'otri u en defeuto d'íste.

b) Si son sochetos á tutorío, o tutor, calendo que siga adempríata ra partizi3n por a Chunta de Pariens u o Chuez.

c) Cuan bi aiga oposizi3n d'intreses con amos pais u con o tutor, a Chunta de Pariens u un esfensor chudizial, abendo d'estar adempríata ra partizi3n por o Chuez.

2. No será nezeria a interbenzi3n conchunta d'amos pais ni l'adempríbio d'a Chunta de Pariens u d'o Chuez cuan a partizi3n se limite á achudicar *pro indiviso* á os ereus en a proporzi3n en que lo sigan toz os biens que integran o erenzio.

Artículo 52.—*Partizi3n con mayors de catorze años*

1. Os menors d'edá mayors de catorze años pueden demandar a partizi3n e interbenir en ella con l'asistencia prebista en l'artículo 5 d'a Compilazi3n d'o Dreito Zebil.

2. O sozmeso á curatoria, si a sentenzia d'incapazitazi3n no atraza pas atra cosa, puede, asistito por o curador, demandar a partizi3n e interbenir en ella. Cuan bi aiga opo-

sizi3n d'intreses con o curador, l'asistencia será suplita por a Chunta de Pariens u bel esfensor chudizial.

Artículo 53.—*Partizi3n d'o disponén*

1. O causán u o suyo fiduziario pueden fer a partizi3n d'o erenzio u parti d'el, asinas como estatuezer normas binculaderas ta ra suya reyalizazi3n, en auto de zaguer boluntá u d'execuzi3n d'a fiduzia. Tamién podrán fer-lo en auto entre bibos sin sochezi3n á forma determinata, salbo que se refieran á lo erenzio deferito por suzezi3n foral.

2. Si a partizi3n la fa o disponén en o mesmo auto de desposizi3n por causa de muerte, prebalexerá l'articulata dispositiba salbo que siga abdicable y pueda estar efeutibamén abdicata por o auto de partizi3n.

Cabo 3.º Perpago d'as deutas hereditarias por os coereus

Artículo 54.—*Responsabilidad antis d'a partizi3n*

Os crededors hereditarios, encluyito ro ereu que tamién lo siga, mientras no se faiga ra partizi3n, abrán de prozeder cuenta toz os ereus ta desichir o perpago d'as deutas e cargas d'o erenzio.

Artículo 55.—*Dreitos d'os crededors*

1. Os crededors hereditarios reconoxitos como tals podrán oposarsen á que se lebe á efeuto a partizi3n d'o erenzio dica que lis se perpage u guarenzie o importe de lurs creditos.

2. Os crededors d'uno u más d'os partezipes pueden interbenir á lur costa en a partizi3n ta pribar que ísta se faiga en frau u perchudizio de lurs dreitos.

Artículo 56.—*Responsabilidad dimpués d'a partiziún*

1. Feita ra partiziún, es crededors ereditarios pueden desichir o pago de cualquiera d'os ereus dica o limite d'a suya responsabilidad.

2. Igualmente, o coereu crededor d'o erenzio puede también reclamar de cualquiera d'os otros o perpago d'o suyo credito, pero deduzita ra suya parti proporzional como tal ereu.

3. O demandato tien dreito á fer clamar á os suyos coereus ta que interbiengan en o prozeso, á menos que por desposiziún d'o causán u o suyo fiduziario u á consecuencia d'a partiziún ese quedato sólo que el artato á o perpago d'a deuta.

Artículo 57.—*Aziún de tornada entre coereus*

O coereu que ese pagato más d'o que li pertoque por a suya partezipaziún en o erenzio, puede reclamar a esfera de prozedendo cuenta os demás coereus e, si s'ha feito ya ra partiziún, puede reclamar á cadauno a suya parti proporzional dica o limite d'a suya respuetiba responsabilidad.

CAPETULO VII

CONSORZIO FORAL

Artículo 58.—*Conorzio foral*

1. Fuera de prebisiún en contrario d'o disponén, dende que barios chirmans u fillos de chirmans ereden d'un aszendién biens sedibles, queda establito entre els, y en tanto susista o no estallamiento, o clamato «conorzio u fideicomiso foral».

2. O atrazato en o trestallo de debán s'aplicará también á os sedi-

bles alquiritos *pro indiviso* por legato u donaziún.

Artículo 59.—*Efeutos*

1. Bichén o conorzio foral, sólo son balers que os autos de desposiziún, *inter vivos* u *mortis causa*, feitos por un consorte sobre a suya cota en o conorzio u en beluno d'os biens que lo entegran cuan s'atorguen á favor d'os suyos deszendiens, que con ixo alquirirán a condiziún de consortes, u d'atro consorte.

2. Manimenos o atrazato en o trestallo de debán, ye emparable a cota d'un consorte en o conorzio u en beluno d'os biens que lo entegran, sin que pase á formar parti d'o conorzio ro estranio que lo alquiera en o prozedimiento de constreita.

3. Si un consorte muere sin deszendencia, a suya parti acrexe á os demás consortes, que la reziben como prozedén de l'aszendién que orichinó o conorzio. En causo de recobro de liberalidaz, o acreximiento no se produze respueto d'os biens recobratos.

Artículo 60.—*Deseparaziún d'un consorte*

1. Dixarán d'aplicar-sen os efeutos d'o conorzio á o consorte que declare a suya boluntá de deseepararse totalmén d'o mesmo en escritura publica.

2. A deseparaziún deberá comunicar-se de traza que faiga fe á os demás consortes, entre os que conzinará o conorzio.

Artículo 61.—*Disoluziún d'o conorzio*

O conorzio se disuelbe por o estallamiento d'o sedible u sedibles e por alcuerto de toz os consortes.

TETULO II

DE A SUZESIÓ PAUTATA

CAPETULO PRIMERO

DESPOZIONS CHENERALS

Artículo 62.—*Balga e forma*

Son balers os pautos que sobre a propia suzesión se combiengan en escritura publica, asinas como los que en relazió con dita suzesión atorguen atras presonas en o mesmo auto.

Artículo 63.—*Capazidá*

Os atorgadors d'un pauto suzesorio deben estar mayors d'edá.

Artículo 64.—*Caráuter presonalismo*

Os atorgadors d'un pauto suzesorio sólo pueden formalizar-lo que presonalmén, no almitindo-se-ne representazió.

Artículo 65.—*Modalidaz*

Os pautos suzesorios pueden estar:

a) De desposizió *mortis causa* d'uno u barios achustadors á favor d'otri u otros d'els.

b) D'instituzió reziproca.

c) De desposizió *mortis causa* d'os achustadors á favor de terzero u terzers.

d) De renunzia d'uno u barios achustadors á ro erenzio de l'otri u otros.

Artículo 66.—*Contenito*

1. Os pautos suzesorios pueden contener cualsquier estipulazió *mortis causa* á favor d'os achusta-

dors, d'uno d'els u de terzero, á teltulo unibersal u singular, con as sustituzions, reserbas, fiduzias, modalidaz, cargas e obligazions que se combiengan.

2. Antiparti d'o rechimen suzesorio, puede tamién pautar-se en achustes matrimoniales en considerazió á ra casa o establimiento d'una comunidá familiar entre instituyens e instituyito e os suyos familiares, reglando es dreitos e as obligazions d'os que la entegran.

Artículo 67.—*Idioma d'os pautos suzesorios*

Os pautos suzesorios podrán redautar-sen en cualsquiera d'as luengas u modalidaz lingüísticas d'Aragón que os achustadors eslixan. Si o Notario autorizador no conoxese a luenga u modalidá lingüística eslexita, o pauto s'atorgará en presenzia e con interbenzió d'un entrepete, no nezesariamén ofizial, desinato por os atorgadors e adempribiato por o Notario, que deberá señalar o documento.

Artículo 68.—*Caráuter d'as donazions*

1. A donazió unibersal d'os biens abitos e por aber equibale á instituzió d'ereu por achuste, fueras de pauto en contrario.

2. A donazió *mortis causa* d'os biens singulares abrá o caráuter de pauto suzesorio.

Artículo 69.—*Entrepetazió e normas supletorias*

1. Os pautos suzesorios s'entrepetarán de conforme con o prenzio *standum est chartae*, en os terminos en que sigan estatos redautatos, parando cuenta d'o costumbre,

usos e oserbanzias d'o lugar, á os que deberá estar-se cuan o pauto se refiera á determinatas instituzions consuetudinarias.

2. Como supletorias s'aplicarán as normas chenerals sobre achustes e desposizions testamentarias, seguntes a respetitiba naturaleza d'as estipulazions.

CAPETULO II

INSTITUZIÓN Á FAVOR D'ACHUSTADOR

Cabo 1.^o Desposizions chenerals

Artículo 70.—*Azeutazón d'o erenzio u legato*

En a instituzión á favor d'achustador, o consentimiento d'íste conleba l'azeutazón d'o erenzio u legato. En consecuencia, espiritato ro instituyén, o instituyito ereu u legatario no podrá refusar o erenzio u arrenunziar á o mesmo.

Artículo 71.—*Clases*

1. A instituzión d'ereu u legatario en pauto suzesorio puede estar:

a) «De presén», con trasmisión actual d'os biens á ro instituyito.

b) «Ta dimpués d'os días» d'o instituyén y, por o tanto, sin trasmisión actual d'os biens á ro instituyito.

2. Si no se disposa claramén o contrario, se replecará que a instituzión ye ta dimpués d'os días.

Artículo 72.—*Dreito de trasmisión*

1. Fueras de ro estatuezito en pauto suzesorio cuan o instituyito premuera á ro instituyén, transmitirá á os suyos deszendiens os dreitos e obligazions deribatos d'o pauto y, en o suyo causo, os biens alquiritos de presén.

2. Si ditos deszendiens fuesen barios, podrá o instituyén desinar á uno d'els como ereu en testamento u escritura publica, u encomendar a desinazón á fiduziarios, si no l'ese feito ya o primer faborexito.

3. A instituzión quedará sin d'efeuto cuan o instituyito premuera á ro instituyén sin dixer deszendiens. En iste causo, os biens trasmititos de presén que agún susistan en o patrimonio d'o instituyito recutirán ta ro instituyén.

Artículo 73.—*Siñorío mayor*

A reserba d'o «siñorío mayor» en o eredamiento de casa aragonesa atrebuye á ro instituyén l'usofrui-to e almenstrazón d'os biens, o produto d'os cuals deberá destinarse á o sustenimiento e amilloramiento d'a casa.

Cabo 2.^o Instituzión de presén

Artículo 74.—*Efeutos*

1. En a instituzión de presén d'ereu unibersal, o instituyito alquiere toz es dreitos de que siga tetular o instituyén á l'atorgamiento d'o pauto, salbo los que s'ese reserbato.

2. Fueras de pauto en contrario, os biens que o instituyén alquiera dimpuesas pasarán á ro instituyito en a traza estatuezita ta ra instituzión ta dimpués d'os días.

Artículo 75.—*Desposición d'os biens entre bibos*

Fueras de pauto en contrario, o poder de desposición sobre os biens que li sigan estatos trasmititos per-toca á ro instituyito, con as limitazions estatuezitas.

Artículo 76.—*Responsabilidad d'os biens transmititos*

Sobre os biens transmititos de presén, os crededors por deutas contrayitas por o instituyén dinantes d'o pauto suzesorio tienen preferenzia respetto d'os crededors de ro instituyito.

Cabo 3.º Institución ta dimpués d'os días

Artículo 77.—*Efeutos.*

En a institución ta dimpués d'os días, l'alquisición d'os biens por o instituyito sólo se produze que una begata espiritato ro instituyén.

Artículo 78.—*Desposición d'os biens entre bibos*

1. Fueras de pauto en contrario, o instituyén podrá disponer á tetulo oneroso d'os biens oxeto de ra institución.

2. Ta disponer á tetulo gratuito d'os biens oxeto de ra institución, o instituyén nezesitará de l'adempridio d'o instituyito. Se'n eszeutugan as liberalidaz usuales u d'escasa balura.

Artículo 79.—*Responsabilidad d'os biens*

Os biens oxeto de ra institución ta dimpués d'os días responden d'as deutas contrayitas por o instituyén.

CAPETULO III

INSTITUCIÓN REZIPROCA

Artículo 80.—*Efeutos*

1. En a reziproca institución d'ereu, u pauto á o más bibién, o perbibién ereda os biens d'o premuerto, siempre que iste no tenga deszen-

diens, u toz els espiriten antes de plegar á ra edá foral ta poder testar.

2. Os terzers desinatos ereus u legatarios en es biens que quedasen en espiritaro o zagüero d'es atorgadors d'o pauto suzederán en os prozedens d'o primeramén espiritato direutamén d'iste, como sustitutos d'aquél, salbo estipulación en contrario.

3. Si no bi ese ulterior clamamiento á terzero, espiritato ro instituyén superstite sin aber dispostu por cualesquier tetulo d'os biens prozedens d'o primeramén espiritato, se deferirán os que quedasen á os pariens clamatos, en tal momento, á ra suzesión foral d'iste, como ereus suyos e sustitutos d'aquél. Á manca d'istos pariens, ditos biens quedan entegratos en o erenzio d'o perbibién.

4. Á ra institución reziproca li son aplicables os artículos 77 á 79.

Artículo 81.—*Perbibenzia de deszendiens*

1. Os atorgadors podrán establecer as prebisions que tiengan por combenién ta ro causo de que lis perbiban deszendiens, comuns u no, respetando a lechitima d'os mesmos.

2. Á manca de desposición expresa sobre iste particular, a institución no abrá efeuto cuan en o momento d'a obredura d'a suzesión perbiban deszendiens d'o premuerto que no lo sigan d'o superstite. Abendo-bi nomás que deszendiens comuns, o pauto equibale á ra conzesión á o perbibién de l'usofruito unibersal e bitalizio sobre os biens d'o premuerto e d'a facultá de destribuyir o erenzio.

CAPETULO IV

PAUTO EN FAVOR DE TERZERO

Artículo 82.—*Alquisición d'o erenzio u legato*

En o pauto suzesorio á favor de terzero, no podrá íste azeutar o erenzio u alquirir o legato dica que, espiritato ro instituyén, no le'n defieran.

Artículo 83.—*Desposición d'os biens entre bibos*

Fueras de que s'aiga pautato atra cosa, o instituyén podrá disponer entre bibos d'os suyos biens, tanto á tetulo oneroso como lucratibo.

CAPETULO V

PAUTOS DE RENUNZIA

Artículo 84.—*Balgua e modalidaz*

1. Son balers os pautos de renunzia u transazón sobre o erenzio futuro atorgatos entre o renunzián u renunzians e a presona u presonas d'as cuals se trate a suzesión.

2. Tals pautos pueden referir-sen á toz es dreitos suzesorios u a parti d'els, establir-sen á tetulo gratuïto u oneroso e sochetar-sen á condizión.

CAPETULO VI

ABDICAZIÓN, MODIFICAZIÓN E INEFICAZIA

Artículo 85.—*Modificazión e abdicazión combenzional*

1. As estipulazions d'achustes pueden modificar-sen u abdicar-sen

por meyo de pauto suzesorio zelebrato por as mesmas presonas u lurs ereus.

2. Cuan es atorgadors d'o pauto fuesen sólo que dos, tamién podrá estar modificado u dixato sin efeuto por ulterior testamento mancomunato atorgato por os dos.

Artículo 86.—*Abdicazión unilateral*

1. O disponén sólo puede abdicar unilateralmén a suya desposición pautata:

a) Por as causas espresamén pautatas.

b) Por incumplimiento grieu d'as cargas e prestazions impositas á ro instituyito, asinas como cuan íste, con a suya conduta, empache a normal combibenzia familiar si ésta fuese estata pautata.

c) Por aber encurrito ro instituyito en causa d'endinidá u en situazión que, d'estar lechitimario, embrecarba causa de deseredazión.

2. L'abdicazión unilateral deberá fer-se en escritura publica. O Notario la notificará á os demás atorgadors, drento d'os güeito días ábils siguiens. Sin perchudizio d'as responsabilidaz que se'n deriben, a manca de notificazión no afeutará á ra eficacia de l'abdicazión.

3. Si a instituzión de l'achuste s'ese cuaternato en o Rechistro d'a Propiedá, a suya abdicazión podrá fer-se constar en o mesmo una begata trascorritos tres meses dende l'atorgamiento d'a escritura.

Artículo 87.—*Efeutos de l'abdicazión en a instituzión de presén*

Si no s'ese combenito atra cosa, l'abdicazión d'a instituzión de presén produze a rebersión ta ro instituyén d'os biens trasmititos á ro ins-

tituyito que íste conserbe y d'os surrogatos en els.

Artículo 88.—*Efeutos en as estipulacions reziprocamén condizonatas*

A nulidá, abdicación unilateral u ineficazia d'una desposición ereditaria pautata leba aparellata la d'aquellas que, en o mesmo documento, se troben reziprocamén condizonatas.

Artículo 89.—*Efeutos d'a nulidá, o esburzio e a deseparación*

Salbo que de l'achuste resulte atra cosa, as atrebuzions suzesorias pautatas entre conyugues quedarán sin efeuto si, en espiritar uno d'els, fuese declarata chudizialmén a nulidá d'o matrimonio, decretato ro esburzio u a deseparación u se trobasen en portata os prozedimientos enfilatos á ixa fin.

TETULO III

De a suzesión testamentaria

CAPETULO PRIMERO

DESPOSIZIONS CHENERALS

Artículo 90.—*Boluntá testamentaria*

1. A suzesión testamentaria se riche por a boluntá d'o disponén u disponens manifestata de traza conszién e libre en testamento atorgato conforme á ro fuero.

2. O testamento podrá contener cualsiquiers desposizioni relatibas á ra ordinación d'a suzesión d'o testador u testadors.

3. As desposizioni de caráuter no patrimonial que o fuero premite enserir en testamento son baleras si forman parti d'un auto rebestito de

forma testamentaria, encara que en el no feiguren desposizioni de caráuter patrimonial.

Artículo 91.—*Tipos de testamento*

1. O testamento puede estar unipresonal u mancomunato.

2. O testamento unipresonal ye l'auto unilateral y esenzialmén abdicable por o cual una presona ordena, ta dimpués d'a suya muerte, o destín de toz os suyos biens u de parti d'els.

3. O testamento mancomunato ye l'auto naturalmén abdicable por o cual dos presonas ordenan en un mesmo estrumento, ta dimpués de lur muerte, con u sin liberalidaz reziprocas e desposizioni correspondibas, o destín de toz os suyos biens u de parti d'els.

Artículo 92.—*Caráuters comuns*

1. O testamento ye auto presonalismo, no suszeutible d'estar feito por meyo de representán, si bien as presonas capaces de testar pueden encomendar fiduziarios que, dimpués de ra suya muerte, ordenen a suya suzesión.

2. O testamento ye un auto solemne, en l'atorgamiento d'o cual han d'oserbar-sen as formalidaz prebistas en o fuero.

Artículo 93.—*Capazidá ta testar*

1. Pueden testar totas as presonas fescas que, á o tiempo d'atorgar testamento, sigan mayors de ca torze años e no manquen de capacidá natural.

2. Pueden atorgar testamento olografo os que sigan mayors d'edá.

3. A manca de capacidá de testar, cheneral u ta una forma concreta de testamento, en uno d'os testa-

dors empacha atorgar o testamento mancomunatamén.

Artículo 94.—*Forma d'os testamentos*

1. O testamento mancomunato, mientras siga compatible con os requisitos establitos ta cadaguna d'ellas, e l'unipresonal pueden rebestir cualsiquier forma, común, espezial u eszeuzional, almitita por o fuero.

2. Ye pro con que concorran en uno d'es testadors as zercustanzias requeritas por cualsiquier forma espezial u eszeuzional de testamento ta que se pueda atorgar mancomunatamén.

Artículo 95.—*Testamento mancomunato zarrato*

1. O testamento mancomunato zarrato podrá estar escrito d'o suyo puño e letra d'uno d'os testadors, por cualsiquier meyo mecanico u por atra presona á demanda de beluno d'els. O testador que l'ese escrito d'o suyo puño e letra bastará con que lo firme á o final; os demás testadors deberán fer lurs firmas en totas as suyas fuellas y á ro piet d'o testamento.

2. Amos testadors comparexerán debán d'o Notario e manifestarán de traza espresa que o sobre que presientan contiene lur testamento mancomunato, espresando tamién a traza en a que se troba escrito e siñato.

3. Autorizato ro testamento mancomunato zarrato, se depositará en poder d'o Notario autorizador ta que lo alze en o suyo archibo, de do sólo podrá estar retirato por amos testadors.

Artículo 96.—*Testamento mancomunato olografo*

1. O testamento olografo mancomunato ye prou con que siga escrito tot el por uno d'os testadors, con espresión de l'añada, mes e día, e que l'otri declare tamién por escrito d'o suyo puño e letra, antis d'as firmas d'amos, que balga igualmente como testamento suyo e siñe en totas as suyas fuellas y á o piet d'o mesmo.

2. Á ra muerte d'o primero d'os testadors que espirete, s'alberará e protocolizará o testamento mancomunato olografo con a nezesaria partezipación de l'atro atorgador que perbibise.

Artículo 97.—*Idioma d'o testamento*

1. Os testamentos notariales podrán redautar-sen en cualsiquiera d'as luengas u modalidaz lingüísticas d'Aragón que os testadors eslixan. Si lo autorizador u, en o suyo causo, os testigos u demás presonas interbiniens en l'atorgamiento no conoxesen a luenga u modalidá lingüística eslexita, o pauto s'atorgará en presenzia e con interbenzión d'un entepete, no nezesariamén ofizial, desinato por os testadors e ademprabiato por l'autorizador, qui deberá siñar o documento.

2. Igualmente, os testamentos zarratos e os olografos podrán atorgar-sen en cualsiquier luenga u modalidá lingüística d'Aragón.

Artículo 98.—*Testigos en o testamento notarial*

1. En o testamento notarial atorgato en Aragón no será prezisa a interbenzión de testigos, salbo que concorran zercustanzias espeziales en un testador u que espresa-

mén lo requieran uno d'os testadors u o Notario autorizador.

2. Se considera que concorren zercustanzias espezials en un testador cuan iste declara que no sape u no puede siñar, siga ziego u declare que no sape u no puede leyer-lo por er. Si o testador que no sape u no puede leyer ye xordo de raso, os testigos leyerán o testamento en presencia de Notario e deberán declarar que enzierta con a boluntá manifestata.

Artículo 99.—*Lumero e capacidá d'os testigos*

1. En toz os causos en que calga a interbenzión de testigos, serán dos, deberán replecar á o testador u testadors e á o Notario u presona debán de qui s'atorgue o testamento e deberán saper siñar.

2. No será nezesario que sigan rogatos ni que conoxcan á o testador ni que tiengan a suya mesma residencia.

Artículo 100.—*Incapacidá ta estar testigo*

1. No pueden estar testigos en os testamentos:

a) Os menors de catorze años e os demás incapables ta testar.

b) Os totalmén xordos u ziegos e os mutos que puedan escribir.

c) Os faborexitos por o testamento.

d) O conyugue e os pariens dica o cuatreno grau de consanguinidad u segundo d'afinidad d'o ereu instituyito u d'o legatario desinato e d'o Notario u presona debán de qui s'atorguen.

2. Iestas entredizions s'aplican tamién á es facultatibos, entrepetes u espiertos que interbiengan en o testamento.

Artículo 101.—*Entrepetazió d'o testamento*

1. Tota desposizió testamentaria deberá acatar-se en o sentito literal d'as suyas parolas, á no estar que aparexca claramén que estió atra la boluntá d'o testador u, si o testamento fuese mancomunato, a común d'amos testadors. En causo de duda, s'oserbará o que aparexca más conforme con a intenzió d'o testador u testadors seguntes o contenido d'o mesmo testamento.

2. As clausulas ambiguas u escuras s'entrepetarán en sentito favorable á ra suya eficacia, contimparando unas con atras, e d'esistir escuentradizió irredutible no será balera denguna d'as que sigan sustanzialmén concaratas entre ellas. As desposizions inintelixibles se considerarán no formulatas.

3. En os causos de duda, a entrepetazió se ferá en sentito favorable á lo ereu instituyito e as desposizions que imponen cualesquier carga s'entrepetarán restritibamén.

4. En a entrepetazió d'as desposizions correspeutibas d'o testamento mancomunato deberá entegrar-se lo atrazato en iste articlo con as normas d'entrepetazió d'os achustes.

CAPETULO II

TESTAMENTO MANCOMUNADO

Artículo 102.—*Testadors*

1. Os aragoneses, sigan u no conyugues u pariens, pueden testar de mancomún, mesmo difuera d'Aragón.

2. Si uno d'os testadors ye aragonés e l'otri no lo tien entredito

por o suyo fuero presonal, pueden testar mancomunatamén, mesmo difuera d'Aragón.

Artículo 103.—*Obredura d'a suzesión*

En morir o primero d'os testadors s'ubre a suzesión suya e producen lurs efeutos as desposizions d'o testamento mancomunato regladoras d'a mesma. Os intresatos en a suya suzesión abrán dreito á copia d'o testamento, que sin dembargo no podrá encluyir as desposizions que sólo afeuten que á ra suzesión de l'atro testador.

Artículo 104.—*Instituzión reziproca entre atorgadors*

1. Si os testadors no estatuezen os efeutos d'o «pauto á o más bi-bién», as desposizions suzesorias reziprocas entre els producirán os que lis son propios, sin perchudizio, en o suyo causo, d'os dreitos lechituarios.

2. Os terzers desinatos ereus u legatarios en os biens que quedasen en espiritar o zaguero d'os testadors suzedarán en os prozedens d'o primeramén espiritato direutamén d'íste, como sustitutos d'aquél, fueras de prebisión contraria en o testamento.

3. Si no bi ese ulterior clamamiento á terzero, espiritato ro testador superstite sin aber dispuesto por tetulo denguno d'os biens prozedens d'o primeramén espiritato, pasarán os que d'els quedasen á es pariens clamatos, en tal momento, á ra suzesión foral d'íste, como ereus suyos e sustitutos d'aquél. Á manca d'istos pariens, tals biens quedarán entegratos en o erenzio d'o perbi-bién.

Artículo 105.—*Desposizions correspeutibas*

1. Son correspeutibas entre ellas as desposizions de contenito patrimonial d'uno e atro testador a eficacia d'a cual, por boluntá declarata por amos en un mesmo testamento u achuste suzesorio, fuese reziprocamen condizionata, sigan en beneficio d'os dos u de terzero. A correspeutibidá no se presume.

2. A nulidá u anulazión d'una desposición produze a ineficazia total d'a correspeutiba. Sin dembargo, a ineficazia sobrebenita d'una desposición no produze a d'a suya correspeutiba, que dixerá d'aber ixe caráuter.

Artículo 106.—*Abdicazión*

1. O testamento mancomunato puede estar abdicato u modificato por amos testadors en un mesmo auto u atorgamiento.

2. Tamién puede cada testador abdicar u modificar unilateralmén as suyas propias dezisions no correspeutibas.

3. L'abdicazión u modificazión unilateral de desposizions correspeutibas sólo podrá fer-la un testador en bita de l'otri u, dimpués, si concorre bella causa d'as que posibilitan l'abdicazión unilateral d'os pautos suzesorios, e producirá a ineficazia total d'as desposizions correspeutibas de l'otri. Tot ixo salbo que en o testamento u en o achuste suzesorio se prebeiga atra cosa.

4. Tota abdicazión u modificazión unilateral en bita de l'atro testador deberá fer-se en testamento ubierto debán de Notario. O atorgador ferá saper á o Notario a esistenzia d'o testamento anterior e o

domizilio de l'atro atorgador, á qui o Notario notificará, drento d'os güeito días ábils siguiens, o mero feito d'o nuevo atorgamiento. Sin perchudizio d'as responsabilidaz que podesen esdebenir, a manca d'ixas manifestazions de l'atorgador u d'a notificazi3n no afeutará á ra eficacia de l'abdicazi3n u modificazi3n.

Articulo 107 —*Desposizi3n de biens entre bibos*

1. Anque o testamento mancomunato contenesse clausula en contrario, cadaguno d'os testadors podrá disponer entre bibos d'os suyos biens, á tetulo oneroso u gratuito, mesmo dimpués d'o fenezimiento de l'otri, con as unicas eszeuzions e modalidaz contenitas en os trestallos siguiens.

2. En bita d'amos atorgadors, a desposizi3n de biens encluyitos en una desposizi3n correspeutiba que conlebe a suya abdicazi3n u modificazi3n sustanzial produze a ineficazia total d'a correspeutiba de l'otri.

3. Muerto un atorgador, podrá l'otri disponer d'os biens encluyitos en una desposizi3n correspeutiba. Si lo fese por tetulo lucratibo, a presona á qui o testamento atrebuyiba ditos biens podrá, una begata espiritato o disponén, demandar á os donatarios u lurs ereus a suya balgua atualizata. E si a desposizi3n fuese onerosa y conlebase a ineficazia d'a desposizi3n correspeutiba, podrá, d'a mesma traza, reclamar a balgua atualizata, en iste caso d'os ereus d'o disponén. Istos dreitos zirconduzen en o plazo de dos añadas contatas dende o fenezimiento d'o disponén.

CAPETULO III

**NO BALGUA E INEFICAZIA
D'O TESTAMENTO**

Cabo 1.ºo Nulidá e anulabilidá

Articulo 108.—*No balgua d'o testamento*

1. Son nulos:

a) Os testamentos en o atorgamiento d'os cuales no s'aigan oserbato es requisitos esenzials prescritos por o fuero ta os testadors, o contenido u a forma d'o testamento atorgato.

b) Es testamentos en o atorgamiento d'os cuales no s'aigan oserbato o resto d'os requisitos e formalidaz requeritos por o fuero. Manimenos, a manca d'espresi3n d'a ora d'o testamento no anulará iste si o testador no atorgó dengún atro en aquella calendata. Tampó no lo anulará a manca d'endicazi3n en o testamento de que s'ha cumplito beluno d'os suyos requisitos e formalidaz cuan pueda demostrar-se que efeutibamén fue cumplito.

2. Son anulables os testamentos que, mesmo reunindo os requisitos e formalidaz forals, sigan estatos atorgatos por presona con a edá requerita ta testar e no incapazitata chudizialmén ta ixo pero que manque de capacidá natural e os atorgatos con engaño, biolenzia u intimidazi3n grieu.

Articulo 109.—*No balgua d'a desposizi3n testamentaria*

1. Ye nula ra desposizi3n testamentaria esenzialmén determinata por un motibo contrario á ra lei, á l'orden publico u á ros buenos costumbres.

2. Será anulable a desposición testamentaria que aiga estado atorgata con error en a presona u en l'oxeto, con engaño, biolenzia u intimidación grieu y en os causos en que resulte que se ye atorgata por error, de feito u de dreito, en os motibos si d'o testamento resulta que o testador no l'aberba atorgato d'aber conoxito a error.

3. A nulidá, anulación, abdicación u ineficacia d'una desposición testamentaria no afeutará á ra balgua u eficacia d'as demás, fueras de que siga atra la boluntá d'o testador. Queda á salbo lo atrazato sobre as desposicions correspeutibas d'o testamento mancomunato.

Artículo 110.—*Error en a endicación d'a presona u d'os biens*

Si o testador ese endicato erroniamén a presona d'o ereu u d'o legatario, u os biens que son oxeto d'a desposición, pero d'a entrepelación d'o testamento fuese posible concluyir á qué presona u biens quereba referir-se, a desposición bale relatibamén á ista presona u a istos biens.

Artículo 111.—*Azión de nulidá*

1. A nulidá d'o testamento prebista en a letra a) d'o cabo 1 de l'artículo 108 ye impreszindible, sin perchudizio de l'aplicación d'os regles d'a usocación con relación á ras cosas poseyitas.

2. L'azón de nulidá d'o testamento á ra que se refiere a letra b) d'o trestallo 1 de l'artículo 108, u de beluna d'as desposicions suyas, zirconduze á ras quinze añadas á contar dende o fenezimiento d'o testador.

Artículo 112.—*Azión d'anulabilidad*

Estando anulable o testamento u cualesquiera d'as suyas desposicions, l'azón zirconduze á ras cuatro añadas á contar dende o fenezimiento d'o testador.

Artículo 113.—*Limites en o exerzizio de l'azón*

No puede exerzitar as correspondiens azions qui, conoxendo a causa de nulidá u anulabilidad d'o testamento u de cualesquiera d'as suyas desposicions, l'ha dato boluntaria execución u ha arrenunziato á l'azón.

Artículo 114.—*Inalmisibilidad d'a entredición d'impunar*

O testador no puede entredizir que siga impunato ro suyo testamento en os causos en que conorra causa de nulidá u anulabilidad.

Artículo 115.—*Combersión d'o testamento nulo*

1. O testamento nulo por defeuto de forma será balero si reune os requisitos formals d'atra mena de testamento.

2. O testamento mancomunato nulo por causa que afeute á nomás que uno d'os atorgadors bale como testamento unipresonal de l'otri si cumple os requisitos propios d'a suya endole.

Cabo 2.^{ndo} Abdicación e ineficacia

Artículo 116.—*Facultá d'abdicación*

1. As desposicions testamentarias son esenzialmén inabdicables. Queda á salbo lo estatuezito ta ras correspeutibas d'o testamento mancomunato.

2. O testador no puede renunziar a facultá d'abdicar, en tot u en parti, o suyo testamento.

3. Se tendrá por no escrita cualquier clausula que baiga en cuenta d'a facultá d'abdicación, como a clausula zirconduzidera de desposicions futuras u aquélla en que ordeñe o testador que no balga l'abdicación d'o testamento si no lo fese con ziertas parolas u señales.

4. L'abdicación d'un testamento no afeutará á ra balgua y eficacia, en o suyo causo, d'a reconoxedura de fillos no matrimoniales.

Artículo 117.—*Abdicación*

O testamento anterior queda abdicato por o pauto suzesorio u testamentos posteriores perfeutos, fueras de que d'o contenito d'istos s'infiera a susistencia d'o testamento anterior en tot u en parti. Se presume a susistencia cuan o pauto suzesorio u testamento no tienen contenito patrimonial u iste se limita á sólo que una parti d'o cabal ereditario.

Artículo 118.—*Abdicación e ineficacia d'o pauto u testamento abdicador*

1. L'abdicación produze o suyo efeuto anque o pauto u testamento abdicador siga á ra suya begata abdicato u pierda dimpués a suya eficacia por cualesquier causa.

2. O testamento anterior recobra, manimenos, a suya fuerza si o testador, en abdicando ro pauto u testamento posterior, declara estar a suya boluntá que rebilquen as desposicions d'o primero u si se limita á abdicar un testamento meramén abdicador d'o d'antis.

Artículo 119.—*Atorgamientos en o mesmo día*

1. Si aparexesen dos testamentos d'a mesma calendata, sin que siga posible determinar cuál ye posterior, se tendrán por no escritas en amos as desposicions cuentraditorias d'uno e d'atro.

2. Si aparexesen un pauto e un testamento d'a mesma calendata, sin que siga posible determinar cuál ye posterior, prebalexerán as desposicions cuentraditorias d'o pauto sobre as d'o testamento.

Artículo 120.—*Inutilización d'o testamento zarrato*

1. Se presume abdicato ro testamento zarrato que aparexca en o domicilio d'o testador con as tapas crebadas u os sellos crebantatos, u borratos, esgarrapatos u endrezatas as firmas que lo autorizen.

2. Iste testamento será, sin dembargo, balero cuan se prebase que ha alcurrito lo desperfeuto sin boluntá ni conoximiento d'o testador, u en trobando-se iste en estado de demenzia; pero si amanexese crebata ra portalada u crebantatos os sellos, caldrá prebar antimás l'autentizidá d'o testamento ta que siga balero.

3. Si o testamento se trobase en poder d'atra presona, s'acatará que o bizio prozede d'ella e no será aquél balero como no se prebe a suya autentizidá, si fuese crebata ra tapa u crebantatos os sellos; e si una e otros se trobasen entegros, pero con as firmas borratas, esgarrapatos u endrezatas, será balero o testamento, como no se chustifique aber estado entregato o plego d'ista traza por o mesmo testador.

Artículo 121.—*Inutilización d'o testamento olografo*

O testamento olografo se presume abdicato si aparexe esperrecato u inutilizado, u amanexen borratas, esgarrapatadas u enmendadas sin salbar as firmas que l'autorizen, salbo que se prebe que os debanditos feitos alcurrieron sin a boluntá u sin o conoximiento de beluno d'os testadores u que han estato feitos por o testador en estato de malautía mental.

Artículo 122.—*Supuestos d'ineficacia*

A institución d'ereu u o nombramiento de legatario esdebieneficaces, á manca de sustitución boluntaria u dreito d'acrexer, entre otros, en es siguiens causos:

a) Si ro instituyito u nombrato espirita antes que o testador, salbo que bi aiga institución ilegal.

b) Si a institución u o nombramiento fuesen sochetos á condizión suspensiba e o suzesor espiritase antes de que a condizión se cumpla.

c) Si ro instituyito u nombrato se torna incapabile d'alquirir o erenzio u o legato, salbo que bi aiga sustitución foral.

d) Si o clamato á suzeder refusa o erenzio u o legato.

Artículo 123.—*Efeutos d'a nulidá, o esburzio e a deseparación*

Fueras de que d'o testamento resulte que a boluntá d'o testador u testadors estió atra, no abrán efeuto as desposizioni correespuitibas entre os conyugues, ni as liberalidaz conzedidas en testamento por uno d'els á l'otri, si en espiritar aquél fuese declarata chudizialmén a nulidá d'o matrimonio, decretato ro esburzio u a deseparación u se tro-

basen en portata os prozedimientos enfilatos á ixa fin.

TETULO IV

De fiduzia suzesoria

CAPETULO PRIMERO

DESPOSIZIONS CHENERALS

Artículo 124.—*Comitén*

Tot aragonés capaz ta testar puede nombrar uno u barios fiduziarios ta que ordenen a suya suzesión autuando indibidualmén, de conchunta u suzesiba. Nombratos barios sin señalar cómo deben autuar, se replecará que o clamamiento ye conchunto.

Artículo 125.—*Fiduziarios*

1. O fiduziario abrá d'estar mayor d'edá e tener plena capacidá en o momento d'o fenezimiento d'o causán.

2. Salbo desposición d'o comitén, no abrá efeuto lo nombramiento d'o conyugue como fiduziario si á o fenezimiento d'aquél fuese declarata chudizialmén a nulidá d'o matrimonio, decretato ro esburzio u a deseparación u se trobasen en portata os prozedimientos enfilatos á ixa fin.

3. O cargo ye boluntario e gratuito, salbo que o causán ese prebito que fuese retribuyito; as facultaz d'o fiduziario se replecará que tienen caráuter presonalismo.

Artículo 126.—*Susidiariedá*

Fueras d'espresa autorización d'o comitén, o fiduziario, cualsiquiera que siga ra traza en que siga

estato desinato, no podrá modificar as desposicions suzesorias d'o causán, sigan d'antis u de dimpués d'o suyo nombramiento.

Artículo 127.—*Forma d'o nombramiento*

A desinación de fudziario e as instruzions d'o comitén, si bi'n ese, sobre execución d'a fiduzia, u almenstración e desposición d'os biens sochetos á ella, deberán constar nezariamén en testamento u escritura publica.

Artículo 128.—*Abdicación d'o nombramiento*

1. O nombramiento de fiduziario, con independenzia d'a forma en que s'aiga feito, podrá estar abdicato por o causán en testamento u escritura publica.

2. O nombramiento de nuevo fiduziario produzirá l'abdicación d'os desinatos antis, á no estar que resulte clara la boluntá d'o causán de que autúen de traza conchunta u suzesiba.

Artículo 129.—*Plazo*

1. O fiduziario deberá cumplir o suyo encargo en o plazo que espresamén l'aiga señalato ro comitén.

2. Á manca de señalamiento espreso, a fiduzia deberá executar-se drento d'o plazo de tres añadas, pero si ro unico fiduziario ye o conyugue d'o comitén, o suyo nombramiento se replecará feito de por bita.

3. En os causos en que o clamamiento deba reiterar-se y aiga zirconduzito ro plazo, o fiduziario deberá executar o suyo encargo en un nuevo plazo de dos añadas.

4. Os plazos que estatueze iste articlo son de zirconduzión.

Artículo 130.—*Recuento d'o plazo*

Os plazos espresatos en o articlo de debán se computarán:

a) Dende o fenezimiento d'o causán. Si á o fenezimiento d'o causán bi ha lechitimarios de grau preferén menors d'edá, o plazo d'execución d'a fiduzia no rematará que dica que trascorran tres añadas dende que alcancen a mayoría d'edá toz els.

b) En as fiduzias suzesibas, dende que legalmén siga posible lur execución.

c) En o causo de reiteración d'o clamamiento, dende que l'anterior resulte ineficaz.

Artículo 131.—*Alongamiento d'o plazo*

En tot causo, os fiduziarios podrán demandar antis de que zirconduzca á o Chuez a prolarga d'o plazo estatuezito, qui, prebia audenzia d'o Precurador Astricto, podrá conzeder-la, meyando chusta causa, dica un maisimo de dos añadas.

Artículo 132.—*Reduzión d'o plazo*

Salbo que ro unico fiduziario fuese o conyugue biduo, cualesquier presona con intrés lechitimo puede demandar á o Chuez que, prebia audenzia d'o Precurador Astricto, señale un plazo más breu d'o que en prenzipio pertoque, si a situación de pendenzia podese producir grieus mals á o patrimonio ereditario.

Artículo 133.—*Delazión*

1. Á toz os efeutos legais, a delazión d'o erenzio no s'entenderá produzita dica o momento d'a execución d'a fiduzia o d'a suya estinzión.

2. Mientras no se defiera o erenzio, se considerará en situación d'e-

renzio chazén, e a suya almenistración se rechirá por o estatuezito en o capetulo siguién.

CAPETULO II

O ERENZIO PENDIÉN D'ASINAZION

Artículo 134.—*Almenistrador e representán*

1. Pendién d'execución a fiduzia, l'almenistración e representación d'o patrimonio ereditario corresponderá:

1.^{ero} Á ro conyugue biduo sobre toz os biens e dreitos d'o premuerto, entre que tienga ra condición d'almenistrador d'a comunidá conyugal, u, en atro causo, sólo que sobre os biens afeutos á l'usufruito de biduedá.

2.^{ndo} Á ro fiduziario u fiduziarios.

2. En as fiduzias coleutibas, l'almenistración d'o patrimonio pendién d'asinación sólo recutirá ta os fiduziarios si o causán no ese desinato un almenistrador.

Artículo 135.—*Imbentario*

1. En o plazo fixato por o comitén u, en o suyo defeuto, drento d'os seis meses siguiens á o suyo fenezimiento, o almenistrador deberá formalizar en escritura publica un imbentario que comprenda toz os biens, dreitos, cargas e obligacions d'a suzesión.

2. Meyando causa chustificata, l'almenistrador podrá demandar á o Chuez un alongamiento ta ra suya reyalización.

3. Cuan o comitén aiga desinato como unico fiduziario á o conyugue, íste quedará desonerato d'a

obligación de fer o imbentario, fueras de que espresamén lo aiga desichito o causán u lo alcuerde o Chuez á instancia d'o Precursor Astricto ta salbguardar o patrimonio ereditario.

4. Trascorrito ro plazo ta reyalizar o imbentario sin que l'almenistrador l'aiga formalizado, cualsiquiera d'os pariens d'o causán drento d'o cuatreno grau, u cualsiquier atro intresato en o erenzio, podrá demandar á o Chuez que li requiera ta que lo formalize. O Chuez, prebia audenzia de l'almenistrador, li conzederá un nuebo plazo por o tiempo que estime oportuno, con abiso de que, si no lo fa, lo ferá á costa suya un terzero desinato chudizialmén, sin perchudizio d'as responsabilidaz en que podese encurrir.

Artículo 136.—*Obligacions e cargas*

S'apocarán con cargo á o cabal legato:

a) Os alimentos debitos á os fillos e deszendiens d'o causán cuan ista obligación no pertoque á atras presonas.

b) As cargas e deutas d'o erenzio.

c) Es gastos de conserbación d'os biens, os trebutos, primas de seguros u otros gastos á que se troben afeutos aquéls asinas como as obligacions contrayitas por o almenistrador en a chestión d'os negocios d'o causán u que se deriben d'a suya explotación, en cuanto no aigan d'estar satisfeitos por conyugue usufrutario.

Artículo 137.—*Contenito de l'almenistración e representación*

1. O almenistrador satisfacerá as obligacions e cargas á que se refiere l'artículo de debán, chestionará es

negozios que formen parti d'o cabal, podrá cobrar os credits ben-zitos e consentir o perpago d'as capletas e dreitos que los guaren-zien e fer cualsiquiers autos propios de tot almenistrador, asinas como exerzer as facultaz de chestión que o causán li aiga puesto atrebuyir.

2. En o ambito prozesal, l'almenistrador será lechitimato autibamén e pasiba respeito de cualsiquiers aizions referitas á o patrimonio ereditario.

Articulo 138.—*Facultaz de desposición*

1. O fiduziario podrá disposar á tetulo oneroso d'os biens u dreitos ereditarios sochetos á fiduzia si o comitén li ese autorizato ta ixo, u ta atender o pago d'as obligazions e cargas señalatas en l'articulo 136, u cuan lo chuzgue combenién ta sustituyir-los por otros. En as fiduzias coleutibas, a manca d'instruzions d'o causán, l'aluerdo sobre a desposición se prenerà por unanimidá.

2. A contraprestación otenita quedará surrogata en o puesto d'os biens allenatos, salbo que s'aiga destinado á o perpago d'as deutas e cargas d'o cabal pendién d'asinación.

3. O fiduziario u fiduziarios no almenistradors darán cuenta á l'almenistrador de tota allenación que aigan feito y, en o suyo causo, d'os biens alquiritos que han sustituyito á os allenatos.

Articulo 139.—*Desposición abendo-bi lechitimarios*

Si bi ha lechitimarios, ta ra eficacia d'os autos de desposición d'os inmuebles por naturaleza e d'os muebles como sedibles á que se refiere o articulo 39 d'a Compilación d'o Dreito Zebil será nezesaria l'au-

torización de cualsiquiera d'os lechitimarios con plena capacidá d'obrar y, estando toz os lechitimarios menors u incapazes, de la Chunta de Pariens u d'o Chuez competén.

Articulo 140.—*Facultaz de lequidación*

O fiduziario podrá demandar a lequidación d'a comunidá conyugal disuelta.

CAPETULO III

EXECUCIÓN D'A FIDUZIA

Articulo 141.—*Forma*

1. A fiduzia deberá executar-se nezesariamén por auto *inter vivos* formalizato en escritura publica.

2. Cuan s'aiga desinato como unico fiduziario á o conyugue, íste podrá cumplir o suyo encargo tamién en testamento, fueras de desposición contraria d'o causán u que a fiduzia s'aiga sozmeso á plazo.

Articulo 142.—*Modo d'autuar*

1. Fueras de desposición en cuenta d'o comitén, cuan en o momento d'executar a fiduzia estan deszendiens suyos, o fiduziario abrá d'ordenar a suzesión esclusibamén á favor de beluno u beluns d'els, con a mesma libertá con que poderba fer-lo ro causán.

2. O fiduziario podrá fer uso total u parzial, e mesmo en tiempos distintos, d'as suyas facultaz, á menos que o causán ese atrazato atra cosa.

3. Cuan o comitén aiga desinato como unico fiduziario á o conyugue, íste, en uso parzial d'a fiduzia, podrá atrebuyir biens pertenexens á ra disuelta comunidá conyugal con

o causán, sin nezesidá de prauticar a suya prebia lequidación.

Artículo 143.—Eficazia

1. Os autos *inter vivos* que en execución d'a fiduzia faigan os fiduziarios será inabdicables.

2. Manimenos, podrá reiterar-se o clamamiento si resulta ineficaz l'a-trebulión porque os beneficiarios clamatos no quieran u no puedan azeutar-la, u porque siga declarata nula.

3. Es autos d'execución d'a fiduzia en forma testamentaria son abdicables perén e no empachan a eficacia d'os autos de desposición feitos dimpueas por o biduo fiduziario.

Artículo 144.—Entegrans d'a fiduzia coleutiba

1. D'a fiduzia coleutiba formará parti tamién o conyugue biduo si o comitén no l'ha escluyito espresamén e sólo bi'n ha que deszendiens comuns.

2. Estatuezita ra fiduzia á favor de pariens, en defeuto d'instruzions d'o comitén u ta completar-las, se replecarán clamatos, dica un lumero de tres, os que tiengan capacidá ta estar fiduziarios, con o siguién orden de prelación:

1.^{ero} Aszendiens más prosimos d'o causán de menor edá d'una u d'atra retalinia.

2.^{ndo} Chirmans que aigan combibito familiarmén con o causán, con preferenzia d'o mayor sobre o menor.

3.^{ero} Os colaterals que drento d'o cuatroño grau nombre o Chuez, oyito ro Precurador Astricto.

Artículo 145.—Execución d'a fiduzia coleutiba

1. Á manca d'instruzions d'o causán, os alcuerdos sobre execución total u parzial d'a fiduzia se prenerán por mayoría d'os fiduziarios en auto á o que abrán d'estar combocatos toz els.

2. Á l'atorgamiento d'a escritura publica concorrerán toz os fiduziarios. Manimenos, bastará con que concorra la mayoría d'els si os comparexens manifiestan baxo lur responsabilidá que a dezisión se prenió dimpueas de deliberación á ra que estioron combocatos toz os fiduziarios.

Artículo 146.—Suzesión d'a casa

1. En os supuestos de que a casa u un patrimonio deban deferir-sen á nomás que un ereu, sin determinación de normas ta o suyo nombramiento u cuan resulten d'imposible cumplimiento, a eslizión deberá ferse por o conyugue perbibién, y, en o suyo defeuto u cuan iste ese espiritato sin fer-la, por as presonas clamatas á entegrar a fiduzia coleutiba conforme á l'artículo 144.

2. A eslizión deberá recutir ta uno d'os fillos u deszendiens d'o causán y, en o suyo defeuto, en uno d'os pariens d'íste con preferenzia d'os comprenditos dica o cuatroño grau.

CAPETULO IV

ESTINZIÓN

Artículo 147.—Perduga d'a condizión de fiduziario

A condizión de fiduziario se pierde:

a) Por as causas establitas por o causán.

b) Por zirconduzir o plazo establito ta ra suya execuzión.

c) Cuan o fiduziario espirite, siga declarato ausén u espiritato, pribato d'a plena almenistración d'os suyos biens u incapazitato chudizialmén.

d) Por renunzia d'o fiduziario. Se considerará que renunzian á lur condizión de fiduziarios os que requeritos notarialmén u chudizial por cualsiquier presona con intrés lechitimo no la azeutasen puramén e simpla en igual traza en os sisanta días naturals siguiens á ra notificación.

e) Cuan o conyugue biduo fiduziario se combole u mene bita marital de feito, salbo que o comitén ese atrazato espresamén atra cosa.

f) Por encurrir o fiduziario, ta con o causán u os suyos deszendiens, en beluna d'as causas forals de deseredación u endinidá ta suzeder.

Artículo 148.—*Estinzió d'a fiduzia*

1. En a fiduzia indibidual, a perduga d'a condizión de fiduziario produzirá a estinzió d'a mesma, fueras de que prozeda o clamamiento d'atro fiduziario en os causos de fiduzia suzesiba. En tot causo, conserbarán lur eficacia os autos ya efeutuatos antis por o fiduziario, salbo ros de desposición que o conyugue biduo fiduziario ese efeutuatos en o suyo testamento en os causos d'as letras e) y f) de l'artículo de debán.

2. Cuan os fiduziarios sigan barios, a perduga de tal condizión por beluno d'els, en acotolar a posibilidá de desinazió en o supuesto prebisto en o cabo 2 de l'artículo 144, no empachará o cumplimiento d'o

encargo por os esbarrers, aunque sólo quede que uno, fueras de que siga o conyugue no desinato por o comitén u que íste aiga atrazato atra cosa.

TETULO V

Normas comuns á ras suzesions boluntarias

CAPETULO PRIMERO

DESINAZIÓN DE SUZESOR

Artículo 149.—*Suzesión boluntaria*

1. Qui no tenga lechitimarios puede disponer, por pauto u testamento, de toz es suyos biens u de parti d'els en favor de cualsiquier presona que tenga capacidá ta suzeder.

2. O que tenga lechitimarios sólo puede disponer d'os suyos biens con as limitazions que s'estatuezen en iste Fuero.

3. A reserba de biens no se dará sino cuan aparexca prebiámén determinata en testamento ubierto u atra escritura publica.

Artículo 150.—*No desichenzia d'a instituzión d'ereu*

1. O pauto suzesorio e o testamento serán balers aunque no contiengan instituzión d'ereu, u ísta no abaste a totalidá d'os biens. Tamién lo serán aunque ro instituyito siga incapaz d'eredar u no azeute o erenzio.

2. En istos causos se cumplirán as desposizions pautatas u testamentarias feitas d'aluerdo con os fueros, e o remanén d'os biens se deferirá á os ereus forals, ubriendo-se ta els a suzesión foral.

Artículo 151.—*Nombramiento d'ereu*

1. Abrá ra consideración d'ereu lo nombrato ta suzeder, en tot u en parti, en as relazions patrimoniales e presonals d'o causán que no s'acotolen por a suya muerte, cualsiquiera que siga ra denominación que íste l'aiga dato e tanto si ye estato clamato á ra totalidá u á una cota d'o cabal como á uno u barios biens determinatos.

2. Os desinatos suzesors por causa de muerte que no sigan ereus tendrán a consideración de legatarios.

3. O clamato á una cota d'o erenzio será considerato ereu e o clamato á cosa determinata, legatario, fueras de que resulte que ya atra la boluntá d'o causán.

Artículo 152.—*Ereu «ex re certa»*

1. Si ye boluntá d'o disponén que ro instituyito en cosa zierta e determinata siga ereu, responderá d'as obligazions e cargas ereditarias en proporción á ra balgua d'o asinas rezibito; pero no tendrá dreito d'acrexer.

2. Si tot ro erenzio ye estato destribuyito entre ereus instituyitos en cosa zierta e determinata, suzedarán en os biens de nueba aparixión en proporción á ra balura d'o rezibito por cadagún.

3. O instituyito en o dreito d'usofruto d'o erenzio, u d'una parti u cota d'ella, cuan a boluntá d'o disponén ye que siga ereu, tien a consideración d'ereu *ex re certa*.

Artículo 153.—*Legato de parti alicota*

Si ye boluntá d'o disponén que o clamato á parti alicota d'o erenzio siga legatario, no será deutor d'as obligazions e cargas d'o erenzio e

concorrerá á ra partizión con o ereu, pero cuan no siga lechitimario sólo tendrá dreito á perzibir a balura d'o legato en biens de l'autibo ereditario lequido si o ereu no opta por pagar-lo en diners, aunque no bi'n aiga en o erenzio.

Artículo 154.—*Distribución de tot ro erenzio en legatos*

1. Si a boluntá d'o disponén ye estata destribuyir tot ro erenzio en legatos, se repartirán á tocaparte as deutas e cargas entre os legatarios en proporción á lurs cotas, á no estar que s'ese rebisto una atra cosa.

2. A responsabilidá d'os legatarios se mantendrá por a parti que proporzionalmén se deribe de lurs cotas aunque concorran con ereus forals sobrebenitos por l'aparixión de nuevos biens.

Artículo 155.—*Zertanidá de desinazión*

Se tendrá por no mesa tota desposizión pautata u testamentaria en favor de presona inzierta, á menos que por bel ebento pueda resultar zierta.

Artículo 156.—*Motibazión d'a desposizión*

A espresión en o pauto u testamento d'os motibos d'una desposizión no afeutará á ra suya eficacia, á no estar que, estando falsos u ilizitos, resultase d'o propio tetulo suzesorio que son estatos esenzialmén determinadors d'a desposizión.

Artículo 157.—*Concorrenzia de desinatos*

En o clamamiento suzesorio á barias presonas, fueras de que atra cosa resulte d'o mesmo, s'aplicarán os siguiens regles:

a) Os suzesors desinatos simultaniámén sin atrebuzión de partis se replecan clamatos por partis iguais. Por eszeuzión, si se clama á os chirmans d'o causán sin fer-lo nominalmén, os de pai e mai prenen dople porzión que os meyo chirmans.

b) Si se clama simultaniámén á barias presonas, á unas individualmén e á atras coleutiba, s'acata que istas lo son tamién individualmén.

c) Os desinatos de conchunta se replecan clamatos simultaniámén e no suzesiba. Asinas mesmo, cuan sigan clamatos á una suzesión una presona e os fillos suyos, s'acatan toz instituyitos simultaniámén e no suzesiba.

d) Cuan se desina á os «fillos», «deszendiens» u «fillos e deszendiens» d'o causán u d'atra presona, se replecan clamatos en primer puesto ros fillos, sustituyitos por lurs retalinias de deszendiens conforme á os regles d'a sustituzión foral.

e) Cuan se clama á una determinata colla de pariens, como «fillos» u «chirmans»; sigan d'o causán u d'atra presona, se i replecan comprenditos os matrimoniales, no matrimoniales e afillatos que biban u sigan conzebitos á o tiempo en que se defiera o erenzio.

Artículo 158.—*Desposición á favor de l'alma u á favor d'os pobres*

1. Es biens oxeto de desposición ta sufrachios e obras pías, cuan s'ai-ga feito de traza indeterminata e sin espezificar lur aplicazión, s'ofrexerán por os executors á ras instituzions beneficiarias e si beluna no'n queresse rezibir en espezie, se ben-derán por aquéls, que entregarán a metá á ra Ilesia u confesión reli-chiosa legalmén reconoxita á ra que pertenexeba o causán, ta que ros

destine á os endicatos sufrachios e ta atender as suyas nezesidaz, e l'atra metá á ra Deputazión Cheneral d'Aragón ta fins beneficas d'a poblazión u comarca correspon-dién á o domicilio d'o fenezito u d'alcanze más cheneral. Si o dispo-nén pertenexeba á una Confesión reli-chiosa no reconoxita legalmén, a metá que l'aberba pertocato acre-xerá á ra Deputazión Cheneral.

2. En a desposición á favor d'os pobres en cheneral u ta obras asis-tenziales, a Deputazión Cheneral d'A-ragón destinará os biens, u ro impor-te de lur benda, á entidaz asistenciales de preferenzia d'a poblazión u redo-lada d'o domicilio d'o disponén.

Artículo 159.—*Desposición á favor de pariens u ereus*

1. Si no resulta atra cosa d'o pauto u testamento, a desposición á favor de pariens d'o disponén u d'un terzero sin determinazión de quí sigan, se considerará feita á favor d'os que estarban clamatos por fuero á suzeder en o momento d'a dela-zión y en a proporzión que resulte d'os regles d'a suzesión foral, pero sin limitazión de grau y escluyindo-ne á ro conyugue.

2. Si ta desinar á os suzesors s'u-tilizan espresions como os «ereus», «ereus forals», «ereus lechitimos» u atras semellans, ya lo sigan d'o cau-sán u d'atra presona, en defeuto de prebisions en o tetulo suzesorio, s'a-catarán clamatos os que deban ere-dar seguntes os regles d'a suzesión foral.

Artículo 160.—*Entredizions d'alquirir por causa de muerte*

1. Ye nula ra desposición por causa de muerte á favor d'as siguiens presonas:

a) O Notario autorizador de l'auto, u as presonas debán d'as que s'atorgan os testamentos espezials, e o suyo conyugue, pariens u afins drento d'o cuatreno grau.

b) Os testigos, facultatibos, espiertos y entrepetes que interbiengan en o atorgamiento d'o pauto u testamento.

c) A presona que escribe o testamento zarrato á rogaria d'o testador.

d) O tutor u curador d'o disponén, salbo cuan s'aiga feito dimpués d'aprebatas definitibamén as cuentas u, en o causo en que no esen que rendir-sen ístas, dimpués d'a estinzión d'a tutela u curatela. Ye, sin dembargo, balera a desposición á ra suya fabor cuan se trate d'asendiens, chirmans u conyugue d'o disponén.

2. Ubierta ra suzesión, os efeutos retroautibos, o deber de restitución e a zircondución de l'azón declaratiba d'a incapazidá relatiba d'o ereu u legatario á qui s'aiga deferito o erenzio, se richen por as normas d'a endinidá.

Artículo 161.—*Condizions baleras*

Son baleras totas as condizions que no sigan imposibles u contrarias á ras leis u os buenos costumbres. En particular, ye balera a condizión de contrayer u no pas contrayer primer matrimonio u combolar u fer-lo con presona determinata, asinas como a condizión de que o ereu u legatario faiga bella desposición *mortis causa* en fabor d'o disponén u d'atra presona.

CAPETULO II

LEGATOS

Artículo 162.—*Alquisizió d'o legato*

1. En os legatos de cosa zierta e determinata esistén en o cabal ereditario, o legatario alquiere a suya propiedá dende que li se defiere. En os demás legatos, a delazió li combierte en crededor d'a presona grabata.

2. O legatario que azeute o legato consolidará a suya alquisizió, pero si lo refusa se considerará que no ha esistito delazió á fabor suya.

Artículo 163.—*Dreito de trasmisión*

1. O legato deferito e no azeutato ni refusato se transmitirá por fenezimiento d'o legatario á os suyos ereus, con a mesma facultá d'azeutar-lo u refusar-lo, fueras de boluntá contraria d'o disponén u que se trate de legatos d'usofruito, de renda, de pensión diaria u otros de caráuter presonalismo.

2. D'esistir una pluralidá d'ereus d'o legatario, cadagún podrá refusar u azeutar a parti que li pertoque en o legato.

Artículo 164.—*Posesión d'o legato*

O legatario de cosa zierta e determinata esistén en o cabal ereditario puede, por el solo, mesmo abendo-bi lechitimarios, prener posesión d'a mesma y, si fuese inmueble, otener a inscrizió á o suyo nombre en o Rechistro d'a Propiedá en bertú d'a escritura publica en que formalize a suya azeutazió.

Artículo 165.—*Prelazió entre legatarios*

Si os biens d'o erenzio no alcanzasen ta cubrir toz os legatos, lur

apocamiento se ferá en l'orden siguién:

- 1.^{ero} Os que o causán aiga declarado preferens.
- 2.^{ndo} Os remuneratorios.
- 3.^{ero} Os de cosa zierta e determinada que forme parti d'o cabal ereditario.
- 4.^{eno} Os d'alimentos.
- 5.^{eno} Os d'educación.
- 6.^{eno} Os demás á tocaparte.

CAPETULO III

DREITO D'ACREXER

Artículo 166.—*Causos en os que prozede*

Abendo estato clamatas dos u más presonas de conchunta á ra totalidá d'un erenzio u legato u porzión d'els, si beluna no quiere u no puede suzeder, a suya porzión acrexerá á ras demás, fueras de que o disponén ese nombrato sustituto u escluyito ro dreito d'acrexer u prozedesen a sustitución foral u o dreito de trasmisión reglato en l'artículo 72.

Artículo 167.—*Acroximiento por collas*

Si qui no plega á suzeder forma parti d'una colla de clamatos, aunque biese atras presonas clamatas de conchunta, o acroximiento se ferá con preferenzia drento d'una colla.

Artículo 168.—*Efeutos d'o dreito d'acrexer*

Os ereus u legatarios faborexitos por o acroximiento alquieren a parti acrexita por imperio d'o fuero, sin aber menester d'azeutazón e

sin poder refusar deseparatamén ixa parti.

CAPETULO IV

EXECUTOR

Artículo 169.—*Caráuter dispositibo*

O disponén puede nombrar en pauto suzesorio u testamento uno u más espondalers y establir con entera libertá as determinazions que tenga por combenién.

Artículo 170.—*Testamento mancomunato*

En o testamento mancomunato, o plazo señalato á ro executor común á es testadors se contará, en cuanto á cada suzesión, dende a calendata de fenezimiento d'o resputibo causán.

TETULO VI

De a lechitima

CAPETULO PRIMERO

DESPOSIZIONS CHENERALS

Artículo 171.—*Lechitima coleutiba*

1. A metá d'o cabal fixato conforme á l'artículo 174 debe recutir ta deszendiens, de cualesquier grau, d'o causán, se son os unicos lechitimarios.

2. Ista lechitima coleutiba puede distribuyirse, igual u desigualmén, entre toz u barios de tals deszendiens, u bien atrebuyir-se á uno solo. Si no s'ha destribuyito u atrebuyito d'atra traza, a lechitima coleutiba s'entiende destribuyita

por partis iguais entre os lechitimarios de grau preferén.

Artículo 172.—*Tetulos d'atrebuzión*

1. A lechitima puede atrebuyir-se por cualesquier tetulo lucratibo.

2. A existencia de lechitimarios no empacha á o disponén instituyir, de forma clara y esplizita, ereu á un estranio.

Artículo 173.—*Lechitimarios de grau preferén*

1. Son lechitimarios de grau preferén os fillos y, en puesto d'os premuertos, deseredatos con causa foral u endinos de suzeder, lurs res-
peutibos fillos, sustituyitos en os mesmos causos e suzesibamén por lurs retalinias de deszendiens.

2. No abrán ixa condizión os deszendiens d'os que esen renunziato á ra suya lechitima.

Artículo 174.—*Calculo*

1. O cabal computable á efectos d'o calculo d'a lechitima se forma d'a siguién conformidá:

1.^{ero} Se parte d'o cabal balguato á o tiempo de lequidar-se a lechitima.

2.^{ndo} S'adibe a balgua d'os biens donatos por o causán calculato á o tiempo d'a donazión, pero autualizado o suyo importe á o tiempo de lequidar-se a lechitima.

2. Por eszeuzión, no se i recuentan:

a) As liberalidaz usuas.

b) O gasto d'alimentazión, educazión e asistencia en malautías de pariens drento d'o cuatreno grau que sigan en situazión de nezesidá, anque o causán no tenese obligazión legal de furnir-les alimentos. Os gastos d'educazión e colocazión d'os fillos sólo se recontarán cuan sigan extraordinarios.

Artículo 175.—*Imputazión*

1. Serán imputables á ra lechitima coleutiba as liberalidaz rezibitas d'o causán por cualesquiera d'es suyos deszendiens, mesmo premuertos, incapables de suzeder, deseredatos con causa foral u arrenunzians á ra lechitima.

2. Á ra imputazión li s'aplican os mesmos regles d'abaluazión de l'artículo de debán. No se deduzirá d'a balgua d'as liberalidaz por causa de muerte a d'os grabámens imposatos por o causán á os deszendiens, os quals abrán o dreito que lis confiere l'artículo 184, ni o d'os imposatos por a lei.

Artículo 176.—*Liberalidaz no imputables*

No s'imputan á ra lechitima;

a) As liberalidaz que o causán ese escluyito d'imputazión.

b) As no contables ta o calculo d'a lechitima.

Artículo 177.—*Renunzia á ra lechitima*

1. A renunzia á ra lechitima puede fer-se tanto dimpués como dinantes d'a delazión d'a suzesión, y en iste causo unilateralmén u como resultato d'un pauto suzesorio.

2. Os requisitos de capazidá e forma d'a renunzia á ra lechitima son, cuan se fa dimpués d'a delazión, os mesmos d'o refusamiento de ro erenzio, y, cuan se fa antis, os mesmos de l'atorgamiento de pautos suzesorios.

3. A renunzia á ra lechitima, fueras de declarazión en contrario, no afeutará á os dreitos que pertoken á o renunziador en a suzesión foral ni a os que probiengan d'a suzesión boluntaria d'o causán.

4. A renunzia á cualesquier atrebuzión patrimonial por causa de muerte prozedén d'o aszendién implica ra renunzia á ra lechitima.

Artículo 178.—*Zirconduzión d'azions*

1. As azions reglatas en iste Tetulo zirconduzen en o plazo de zinco añadas contatas dende o fenecimiento d'o causán u dende a delazióu de ro erenzio si ista se produze dimpuésas.

2. Si o lechitimato ta ro exerciziu d'istas azions fuese menor de catorze años cuan enzete o recuento, o plazo rematará ta el cuan faiga dezinueu.

CAPETULO II

INTANCHIBILIDÁ CUANTITATIBA

Artículo 179.—*Lesión d'a lechitima*

1. No alcanzando os esdebenimientos perzibitos por o conchunto d'os deszendiens a cuantía d'a lechitima coleutiba, podrán achiquirsen as liberalidaz feitas en favor de no deszendiens en a forma reglata contino.

2. Fueras de que a boluntá d'o disponén siga una atra, o dreito á otener a reduzióu recutirá ta os lechitimarios de grau preferén e cadaguno abrá dreito á otener una frazióu de ro importe d'a lesión proporzional á ra cota suya en a suzesión foral.

3. A renunzia u a simpla manca d'exerciziu por belún d'o suyo dreito de reclamazióu no incrementa o d'os otros.

Artículo 180.—*Prelazióu en a reduzióu de liberalidaz*

As liberalidaz lesibas se reduziráu en l'orden que o causán ese

atrazato y en o no prebisto se prozederá d'a siguién forma:

a) Se reduziráu primero as liberalidaz por causa de muerte, á tocaparte, con independenzia de lur tetulo d'atrebuzión.

b) Si no fuese suficién, s'esmermarán as liberalidaz entre bibos, enzutando por as de calendata más rezién; as d'a mesma calendata s'achiquirán á tocaparte.

Artículo 181. — *Forma de fer a reduzióu.*

1. Si a reclamazióu de reduzióu s'enfila cuenta o conyugue biduo, podrá iste pribar-la apocando en metalico o que á o lechitimario reclamán li pertoque perzibir.

2. Si qui sofrise a reduzióu ese rezibito d'o causán barios biens, tendrá dreito á determinar cuál d'els, que cubran á balura reclamata, son oxeto d'a mesma.

3. Si l'oxeto d'a reduzióu fuese un bien u bel conchunto d'els que no almita comodo estallamiento, as dos partis podrán compensarsen en metalico como combiengan. En defeuto d'aluerdo, si a reduzióu no asorbe a metá d'a suya balura, quedará ta qui ese rezibito a liberalidá; en caso contrario, ta o lechitimario que reclama, debendo-se compensar a esferenzia en metalico.

CAPETULO III

INTANCHIBILIDÁ CUALITATIBA

Artículo 182.—*Cumplimiento en biens legatos*

1. A lechitima debe atrebuyir-se en biens legatos.

2. O incumplimiento d'o deber d'atrebuyir en biens legatos o que manque ta alcanzar a cuantía d'a lechitima coleutiba, recontatas as donazions imputables, faculta individualmén á os lechitimarios afeutatos ta demandar que a parti proporzional que en a esferenzia lis pertoque lis siga entregata en biens legatos por os estranios que los han rezibito, renunziando en favor d'istos á os correspondiens biens no legatos.

3. A reduzi3n de liberalidaz de biens legatos feitas en favor de no deszendiens no podrá afeutar á o conyugue biduo e ta ra suya prautica será d'aplicazi3n l'articulo 181.

Articulo 183.—*Entredizi3n de grabámens sobre a lechitima*

1. O causán sólo puede imponer grabámens sobre os biens legatos que atrebuiga á os suyos deszendiens cuan a balura d'os atrebuyitos libres de grabamen sumato á o d'as donazions imputables á ra lechitima cubra o importe d'a lechitima coleutiba.

2. S'entiende á istos efectos por grabamen tota cargaz3n, condizi3n, termino, modo, usofruito, obligazi3n, entredizi3n u limitazi3n impositos en o tetulo suzesorio que esmerme a balura d'es biens legatos u a plenitú d'a tetularidá u d'o conchunto de facultaz que pertocaban á o causán. No se consideran grabámens os legatos en tetularidá plena de biens ziertos con que o causán ese grabato á un deszendién.

Articulo 184.—*Efeutos d'a infrazi3n*

O lechitimario á qui s'ese imposito un grabamen que contrabienga lo atrazato en l'articulo de debán

tien dreito á que se tienga por no meso. Á iste dreito li s'aplicarán os siguiens regles:

1.^{em} O grabamen se tendrá por no meso sólo que en a parti que bulnere a entredizi3n. Pero si por a suya naturaleza no fuese posible dixer-lo sin efeuto parzialmén, se tendrá por no meso en a suya totalidá.

2.^{ndo} Si fueran barios os deszendiens sochetos á grabamen, a parti que deba quedar sin efeuto se repartirá entre els en a mesma proporzión en que aigan estato faborexitos por o causán en as suyas desposizi3ns por causa de muerte.

3.^{em} O deszendién á qui s'esen imposito barios grabámens podrá dezidir l'orden en que deben quedar sin efeuto.

Articulo 185.—*Cautelas d'ozi3n compensatoria*

1. Ta que siga balera la facultá conzedita por o causán á bel lechitimario d'otar entre una determinata atrebuzi3n por causa de muerte libre de grabamen e atra de mayor importe pero socheta á grabamen que crebante lo atrazato en l'articulo 183, cal que concurran os siguiens requisitos:

a) Que si s'optase por l'atrebuzi3n libre de grabamen, no bi aiga lesi3n en la lechitima coleutiba.

b) E que si s'optase por l'atrebuzi3n grabata, o conchunto de liberalidaz rezibitas por os lechitimarios abraque antimás a metá d'a parti de libre desposizi3n.

2. A ozi3n que incumpla os requisitos d'o cabo 1 ye ineficaz e á o grabamen imposito li s'aplicarán os regles prebistos en l'articulo de debán.

Artículo 186.—*Grabámens premititos*

No s'encluyen en a entredizi3n de l'artículo 183 os siguiens grabámens:

1.^{ero} Aquéls atrazatos en beneficio d'atros deszendiens, presens u futuros, drento d'os limites d'as sustituzions fideicomisarias.

2.^{ndo} Os estatuezitos ta o causo de fenezer toz os lechitimarios sin deszendenzia, e sólo que de traza relatiba á os biens d'os que cadaguno ese disposato.

3.^{ero} Os estatuezitos con chusta causa, que siga espresata en o tetulo suzesorio u en documento publico, conforme á o prebisto en l'artículo siguién.

4.^{ero} Os demás prebistos por a lei.

Artículo 187.—*Chusta causa de grabamen*

1. Sólo ye chusta ra causa que busca un mayor beneficio de lechitimario grabato u d'os demás lechitimarios.

2. Si o grabamen imponese una obligazi3n o incumplimiento d'a cual produzca ra trasferenzia d'os biens eredatos por o grabato á atra presona, sólo será balero cuan ixa presona siga un atro deszendién.

3. A causa espresata deberá tener-se como chusta entre que no se contrimuestre que no'n ye.

CAPETULO IV

PRETERIZI3N

Artículo 188.—*Supuestos de preterizi3n*

1. Se replecan preteritos aquels lechitimarios de grau preferén que, no faborexitos en bita d'o causán ni en a suya suzesi3n foral, no son esta-

tos ementatos en o pauto u testamento, u en l'auto d'execuzi3n d'a fiduzia.

2. No se consideran preteritos os que en o momento d'a delazi3n d'o erenzio son lechitimarios de grau preferén por sustituzi3n d'un aszendién que no yera estato preterito.

Artículo 189.—*Menzi3n sufizi3n*

1. Ye sufizi3n ta que no bi aiga preterizi3n cualesquier menzi3n d'o lechitimario en cualesquier parti u clausula d'o testamento u escritura en que s'ordene a suzesi3n, mesmo sin denguna desposizi3n á favor suya ni esclusi3n espresa d'a lechitima u de beneficios suzesorios.

2. Ye tamién sufizi3n cualesquier atrebuzi3n de caráuter simbolico u de balura irrelebán.

3. No ye menzi3n sufizi3n, respecto d'os naxitos dimpués d'atorgar-se o testamento u a escritura, o uso d'espresions no referitas espezialmén á els. Tampó no ye emenzi3n sufizi3n a referenzia á un deszendién como fenezito cuan en reyalidá bibe.

Artículo 190.—*Preterizi3n intenzional*

1. Ye intenzional a preterizi3n cuan o disponén, en ordenando a suzesi3n, conoxeba ra existencia d'o lechitimario e a suya condizi3n de tal.

2. A preterizi3n se presumirá intenzional, fueras de preba en contrario.

Artículo 191.—*Preterizi3n no intenzional*

Ye no intenzional a preterizi3n cuan o disponén, en ordenando a

suzesión, esconoxeba ra existencia d'o lechitimario u a suya condizi3n de tal, y en particular por aber naxito dimpu3s, creyer o caus3n que eba fenezito u esconoxer que yera deszendi3n suyo.

Artículo 192.—*Consecuenzias d'a preterizi3n intenzional*

O lechitimario preterito intenzionalm3n no tien atro dreito que o que pueda pertocar-le 3 reclamar a lechitima coleutiba fren 3 terzers, cuan bi aiga lesi3n d'a mesma.

Artículo 193.—*Consecuenzias d'a preterizi3n no intenzional*

1. O lechitimario preterito no intenzionalm3n tien dreito, fueras de prebisi3n distinta d'o dispon3n, 3 una porzi3n d'o cabal legato igual 3 ra que dimpu3s d'a reduzi3n correspondi3n 3 o menos faborexito por aqu3l. Ista porzi3n se formar3 reduzindo proporzionalm3n as partezipazi3ns d'os otros lechitimarios, aunque 3stos abr3n dreito 3 pagar 3 o preterito a suya parti en metalico. 3 ra reduzi3n li s'aplicar3 lo atrazato en l'artículo 181.

2. Cuan toz u ro unico lechitimario de grau prefer3n sigan estos preteritos no intenzionalm3n e no siga estato desinato ereu u legatario deng3n atro deszendi3n, se produze a delazi3n abintestato de tot ro cabal legato.

3. O preterito no intenzionalm3n abr3, antim3s, o dreito que pueda pertocar-li 3 reclamar a lechitima coleutiba fren 3 terzers, cuan exista lesi3n d'a mesma.

CAPETULO V

DESEREDAZI3N Y ESCLUSI3N

Artículo 194.—*Deseredazi3n con causa foral*

1. S3lo produze os efeutos atrazatos en l'artículo 196 a deseredazi3n que s'alazeta en una causa foral, zierta y espresata en o pauto u testamento, u en l'auto d'execuci3n d'a fiduzia.

2. A preba d'estar zierta ra causa pertoca 3 os ereus d'o caus3n, si o dereredato la niega.

Artículo 195.—*Causas forals de deseredazi3n*

Son causas forals de deseredazi3n:

a) As d'endinid3 ta suzeder.

b) Aber negato sin deng3n motivo es alimentos 3 o pai u aszendi3n que li desereda.

c) Aber-lo maltratato d'obra u inchuriato griuem3n, asinas como 3 o suyo conyugue, si 3ste ye aszendi3n d'o deseredato.

d) Ser estato chudizialm3n pribato de l'autorid3 familiar sobre deszendiens d'o caus3n por sentenzia alazetata en o incumplimiento d'o deber de crianza y educaci3n.

Artículo 196.—*Efeutos d'a deseredazi3n con causa foral*

1. A deseredazi3n feita conforme 3 l'artículo 194 pribata 3 o deseredato d'a condizi3n de lechitimario e d'as atrebuzions suzesorias que li pertoque(n) por cualsiquier tetulo, eszeuto d'as boluntarias posteriors 3 ra deseredazi3n.

2. Antim3s, auside ra lechitima coleutiba si no bi ese otros deszendiens que conserben a condizi3n de lechitimarios.

3. A reconziliazi3n posterior entre o dispon3n e o deseredato u o perd3n d'aqu3l 3 iste, prian 3 o dispon3n d'o dreito a deseredar e dixan sin efeuto a deseredazi3n ya feita.

Articlo 197.—*Exclusi3n boluntaria de deszendiens*

1. O dispon3n puede escluir 3 os lechitimarios de grau prefer3n aunque no concorran os requisitos de l'articlo 194 e mesmo sin alegamiento de garra causa.

2. Os lechitimarios escluyitos no han otros dreitos que o que pueda pertocar-lis 3 reclamar a lechitima coleutiba fren 3 terzers, cuan exista lesi3n d'a mesma, e os que lis pertoquen en a suzesi3n foral. fueras de lo atrazato en os dos articlos siguiens.

Articlo 198.—*Exclusi3n asoluta*

1. A exclusi3n ye asoluta cuan o dispon3n ha espresato a suya bolunt3 de prian 3 ro escluyito de tot dreito en a suzesi3n. A mesma considerazi3n tien a deseredazi3n pretendita que no cumpla os requisitos espresatos en l'articlo 194.

2. Os escluyitos asolutam3n quedan prianos d'o dreito 3 suzeder abintestato e d'o d'exerzitar l'azi3n de lesi3n que podese pertocar-lis, en os que ser3n sustituyitos por lurs retalinias de deszendiens si en tensesn.

3. Manimenos, si a exclusi3n asoluta afeuta 3 toz u 3 l'unico lechitimario, conserbar3n o dreito 3 suzeder abintestato e 3 reclamar a lechitima coleutiba fren 3 terzers cuan bi aiga lesi3n d'a mesma.

Articlo 199.—*Error en o motibo u a causa*

Si o motibo d'a exclusi3n, mesmo asoluta, u a causa d'a deseredazi3n, espresatos en o tetulo suzesorio, son estrafulcados, pero no son estatos determinadors, se producen ta os lechitimarios de grau prefer3n as consecuencias d'a preterizi3n no intenzional.

CAPETULO VI

ALIMENTOS

Articlo 200.—*Dreito 3 alimentos*

1. Os lechitimarios de grau prefer3n que en fersen efeutibas as desposizi3ns suzesorias sigan en situazi3n legal de demandar alimentos podr3n reclamar os que lis pertocan, como deszendiens d'o caus3n, d'os suzesors d'iste, en proporzi3n 3 os biens rezibitos.

2. Istos dreitos d'alimentos s3lo prozeder3n en a mida en que no siga artato 3 furnir-los o biduo usufruario u os pariens de l'alimentista conforme 3 ra lechislazi3n cheneral.

TETULO VII

De a suzesi3n foral

CAPETULO PRIMERO

DESPOSIZI3NS CHENERALS

Articlo 201.—*Prozedencia*

En defeuto, total u parzial, de suzesi3n ordenata baleram3n y eficaz por pauto u testamento, s'ubre a suzesi3n foral.

Artículo 202.—*Orden de suzesión foral*

1. En a suzesión foral o erenzio se defiere en primer puesto á os pariens d'a retalinia direuta deszendién.

2. En defeuto de deszendiens:

1.^{ero} Os biens recobrables e os troncales se defieren ta ras presonas con dreito á recobro e á os pariens troncales, respetibamén.

2.^{ndo} Os biens no recobrables ni troncales, e tamién ístos si no bi ha pariens con dreito preferén, se defieren, suzesibamén, á os aszendiens, á o conyugue, á os colaterals dica o cuatreño grau e á ra Comunidá Autonoma u, en o suyo causo, á ro Espital d'a Nuestra Señora de Grazia u Probinzial de Zaragoza.

Artículo 203.—*Dibersidá de clamamientos unibersals*

1. En a suzesión foral d'una presona pueden concorrer diferens clamamientos unibersals en atención á o caráuter troncal u no troncal d'os biens que entegran o cabal legato.

2. A declarazión d'ereus forals deberá espresar si se refiere sólo que á os biens no troncales, sólo que á es troncales, con endicazión d'a retalinia d'a que prozedan, u á ras dos menas de biens. Si manca dita menzión, se presumirá que a declarazión se ha limitato á os biens no troncales e no empachará demandar una nueva declarazión referita á os troncales.

Artículo 204.—*Prenzipio de prosimidá de grau*

1. Drento de cada retalinia, o parién más prosimo en grau escluye á o más remoto, salbo en os causos en que prozeda o dreito de sustituzión foral.

2. Os pariens d'a mesma retalinia e grau eredan por capezas u partís iguales, fueras de prebisión en contrario.

Artículo 205.—*Ineficazia d'o clamamiento*

1. Cuan o clamato á ra suzesión foral no puede u no quiere suzeder, se prozede conforme á o siguién orden:

1.^{ero} Si se trata d'un deszendién u chirmán d'o causán e de beluno d'os supuestos de sustituzión foral, ocupan o suyo puesto as suyas retalinias de deszendiens.

2.^{ndo} En no aplicando-se a sustituzión foral, a suya parti acrexerá á os coereus.

3.^{ero} Si tampó no bi ese acreximiento, suzederán por dreito propio os pariens de grau siguién u, en o suyo causo, as presonas que ocuparán o siguién puesto, tot ixo seguntes l'orden de delazión foral.

2. Qui reziban a porzión d'o clamato ausén deberán cumplir as obligazions que imposa ra normativa sobre l'ausenzia.

CAPETULO II

SUZESIÓN D'OS DESZENDIENS

Artículo 206.—*No discriminazión*

Os fillos e lurs deszendiens suzeden á lurs pais e demás aszendiens sin distinzión de secso, edá u fillazión.

Artículo 207.—*Suzesión á favor d'os fillos*

Os fillos d'o defunto li eredan perén por lur dreito propio, estando ro erenzio en partís iguales.

Artículo 208.—*Suzesión en favor d'atros deszendiens*

1. Os nietos e demás deszendiens eredan por sustituzión foral, en os causos y en a traza prebistos en o Capetulo III d'o Tetulo Primero d'iste Fuero.

2. En refusingo o erenzio lo deszendién más prosimo, si ye solo, u, si fuesen barios, toz es deszendiens más prosimos clamatos por o fuero, eredarán os d'o grau siguién por lur propio dreito e no como sustitutos d'o refusador.

CAPETULO III

RECOBROS E SUZESIÓ TRONCAL

Artículo 209.—*Recobro de liberalidaz*

1. Os aszendiens u chirmans de qui espirita sin pauto u testamento e sin de deszendenzia recobran, si li sobribiben, os mesmos biens que esen donato á íste e que encara esistan en o cabal.

2. O recobro d'os chirmans, en os causos en que prozedá ra sustituzión foral, pasará á os suyos fillos u nietos.

3. O recobro de liberalidaz por os aszendiens u chirmans se replecará sin perchudizio d'o dreito de biduedá que pertoque á o conyugue d'o donatario fenezito.

4. Cuan os biens donatos pertenezesen á ra comunidá conyugal, o recobro s'exerzitará por cada conyugue sobre a metá no estallata d'aquél e ta o suyo patrimonio esclusibo.

Artículo 210.—*Recobro, en abendo-bi deszendiens*

Prozedede tamién o recobro ordenato en l'artículo de debán si, aben-

do ya recutito por tetulo lucrati-boros biens ta deszendiens d'o espiritato, fenezen toz ístos sin dixer deszendenzia ni aber disposito de ditos biens, antis que a presona con dreito á dito recobro.

Artículo 211.—*Suzesión troncal*

Cuan no prozedá l'aplicazió d'os artículos de debán, a suzesión en os biens troncales se deferirá:

1.^{ero} A os chirmans por a retalinia de do prozedan os biens, sustituyitos por lurs respetibas retalinias de deszendiens. En abendo-bi sólo que fillos u sólo que nietos de chirmans, o erenzio se deferirá por capezas.

2.^{ndo} Á o pai u mai, seguntes a retalinia de do prozedan os biens.

3.^{ero} Á os más prosimos colaterals d'o causán dica o cuatreno grau, u dica o seiseno si se trata de biens troncales d'abolorio, entre os que desziendan d'un aszendién común propietario d'os biens y, en o suyo defeuto, entre os que sigan pariens de millor grau d'a presona de qui los abió dito causán á tetulo gratuito. En concorrendo tíos e sobrinos d'o trasmitén, cuan unos e otros sigan pariens d'o mesmo grau respeto d'o causán, os primers serán escluyitos por os segundos.

Artículo 212.—*Biens troncales d'abolorio*

1. Son biens troncales d'abolorio toz aquels que aigan remanito en a casa u familia d'o causán en as dos chenerazions inmediatamén anteriores á ra suya, cualesquiera que sigan a suya prozedenzia e modo d'alquisizió inmediatos.

2. S'acata que o bien ha remanito en a familia en as dos chenera-

zions inmediatamén anteriores, cuan pretenxió á bel parién d'a chenerazió d'os abuelos d'o causán u más luen e no ha salito dimpués d'a familia, cualsquiera que siga estado o lumero de trasmisiones entremeyas.

Artículo 213.—*Biens troncal simples*

1. Son biens troncal simples os que o causán aiga rezibito á tetulo gratuito d'aszendiens u colaterals dica o seiseno grau.

2. Se'n eszeutuarán os que o causán ese alquiritito d'uno d'os suyos pais prozedens d'a comunidá conyugal d'amos cuan, seguntes os reglas d'a suzesión no troncal li per-tocase eredar á l'atro prochenitor.

CAPETULO IV

SUZESIÓN D'OS ASZENDIENS

Artículo 214.—*Suzesión á favor d'os pais*

1. O erenzio se defiere á o pai e á ra mai por partis iguais.

2. En o causo de que uno d'os pais siga premorito á o causán u no quiera u no pueda azeutar o erenzio, a suya parti acrexerá á l'atro prochenitor.

Artículo 215.—*Suzesión á favor d'atros aszendiens.*

1. Á manca de pai e de mai, u cuan amos no'n quieran u no'n puedan azeutar, o erenzio se defiere á os aszendiens más prosimos en grau.

2. Si concorren barios deszendiens d'igual grau que pertenexen á ra mesma retalinia paterna u materna, o erenzio se defiere por capezas. Si beluno d'es clamatos no'n quiere u no'n puede azeutar, a suya parti acrexerá á os demás ereus.

3. Si os aszendiens son de retalinias diferens, pero d'igual grau, a metá se defiere á os aszendiens paternos e l'atra metá á os maternos. En cada retalinia, o estallamiento se ferá por capezas, con dreito d'acrexer en favor d'os coereus d'a mesma retalinia en causo de que bel clamato no quiera u no pueda azeutar o erenzio. Si toz os aszendiens d'una retalinia no'n quieren u no'n pueden azeutar, lur metá acrexerá á os aszendiens d'o mesmo grau de l'atra retalinia.

CAPETULO V

SUZESIÓN D'O CONYUGUE
Y OS COLATERALS

Artículo 216.—*Suzesión á favor d'o conyugue biduo*

1. O clamamiento á o conyugue sobrevivien no se dará si en fenezere o causán fuese decretata chudizialmén a deseparazió, se trobasen en portata os prozedimientos enfilatos á otener a declarazió de nulidá d'o matrimonio, o esburzio u a deseparazió, u si fuese deseparato de feito por mutuo alcuerto que conste de traza que faiga fe.

2. Si o biduo ereu foral fenezese sin aber disposato por cualsquier tetulo de toz os biens alquiritos d'o suyo conyugue, se deferirán os que quedasen á os pariens d'os premuertos clamatos, en tal momento, á ra suya suzesión foral, como ereus d'iste y sustitutos d'aquél. Á manca d'istos pariens, tals biens quedarán entegratos en o erenzio d'o sobrevivien.

Artículo 217.—*Suzesión á favor de chirmans e sobrinos*

1. Os chirmans e fillos e nietos de chirmans son clamatos con preferenzia á os demás colaterals.

2. Si no concorren más que chirmans de dople binclo, a delazió se da por partis iguais.

3. Si concorren chirmans con deszendiens d'atros chirmans de dople binclo, o erenzio se defiere á os primers por dreito propio e á os segundos por sustituzi6n foral.

4. Si concorren fillos e nietos de chirmans, o erenzio se defiere por sustituzi6n foral, pero si concorren sólo que fillos u sólo que nietos de chirmans, o erenzio se defiere por capezas.

Articulo 218.—*Suzesi6n por meyo de chirmans e de sobrinos*

1. Si concorren chirmans de dople binclo con meyo chirmans, os primers son clamatos á dople cota de ro erenzio que os segundos.

2. En o causo de no aber-bi que meyo chirmans, unos por parti de pai e otros por a d'a mai, o erenzio se defiere á toz por partis iguais.

3. O erenzio se defiere á os fillos e nietos d'os meyo chirmans por capezas e por retalinias, seguntes os reglas estatuezitos ta es deszendiens de chirmans de dople binclo.

Articulo 219.—*Suzesi6n á favor d'atros colaterals*

1. No abendo-bi chirmans ni fillos u nietos de chirmans, o erenzio se defiere á os demás pariens d'o causán en retalinia colateral dica o cuatreno grau.

2. A delazi6n en favor d'istos colaterals se berifica sin distinzión de retalinias ni preferenzia entre els por raz6n d'o dople binclo.

CAPETULO VI

SUZESI6N EN DEFEUTO DE PARIENS E CONYUGUE

Articulo 220.—*Suzesi6n á favor d'a Comunidá Autonoma*

1. En defeuto d'as presonas formalmén clamatas á ra suzesi6n conforme á os reglas de debán, suzede a Comunidá Autonoma.

2. Prebia declarazi6n chudizial d'ereus, a Deputazi6n Cheneral d'Arag6n destinará os biens eredatos u ro esquimen d'a suya allenzi6n á establimientos d'asistencia sozial d'a Comunidá, con preferenzia os que se troben en o monezipio aragonés en do ro causán ese abito o suyo zaguer domizilio.

Articulo 221.—*Prebilechio de ro Espital d'a Nuestra Siñora de Grazia*

1. En os supuestos de l'articulo de debán, o Espital d'a Nuestra Siñora de Grazia u Probinzial de Zaragoza será clamato, con preferenzia, á ra suzesi6n foral d'os dolentos que espiriten en el u en establimientos dependiens.

2. Prebia declarazi6n chudizial d'ereus, a Deputazi6n Probinzial de Zaragoza destinará os biens eredatos u o esquimen d'a suya allenzi6n á l'amilloramiento d'as instalaciones e condicions d'asistencia de ro Espital.

DESPOSIZI6N ADIZIONAL

Unica.—*Rechimen trebutario d'as instituzions zebils aragonesas*

O Gobierno remitirá en o plazo d'una aña da un Proyeuto de Fuero que regle as particularidaz fiscals

d'a suzesión *mortis causa* en Aragón, ya á trabiés d'o Fuero de midas tributarias, financieras e almenistrativas, ya por meyo d'un fuero espezi-fico parando cuenta d'as nuestras particularidaz de Dreito foral e actual reyalidá sozioeconomica.

DESPOSIZIONS TRANSITORIAS

Primera.—*Norma cheneral*

As suzesions por causa de muerte se rechirán por o fuero bichén en o momento d'a obredura d'a suzesión.

Segunda.—*Balgua d'os autos por causa de muerte anteriors á ro Fuero*

1. Conserbarán a suya balgua os pautos suzesorios e testamentos atorgatos e as fiduzias suzesorias conzeditas u pautatas baxo a lechislación anterior e que sigan balers d'aluerdo con ella .

2. Tamién serán balers os pautos suzesorios e testamentos atorgatos e as fiduzias suzesorias conzeditas u pautatas antis d'a dentrata en bigor d'iste Fuero que lo sigan d'aluerdo con ella , aunque no lo fuesen seguntes a lechislación anterior, siempre que a obredura d'a suzesión no se produzca estando ro Fuero en bigor.

Terzera.—*Azioms, dreitos e debers naxitos antis pero no exerzitados u cumplitos encara*

1. As azioms, dreitos e debers naxitos antis de rechir iste Fuero, pero no exerzitados u cumplitos á ra suya dentrata en bigor, susistirán con l'amplaria y en os terminos que lis reconoxese a lechislación prezedén; pero sochetando-sen, en cuan-

to á lur exerzizio, durada u zirconduzión e prozedimientos ta fer-los baler, á lo atrazato en iste Fuero.

2. Os plazos se contarán dende a dentrata en bigor d'iste Fuero en as suzesions ubiertas d'antis, pero s'aplicarán os d'a lechislación anterior si eban de zarrar-sen antis que os d'iste Fuero.

Cuatrena.—*Sustituzión foral*

1. No ye causa de sustituzión foral a renunzia á lo erenzio produzita dimpués d'a dentrata en bigor d'iste Fuero.

2. Manimenos, cuan en pauto suzesorio u testamento atorgato antis d'a dentrata en bigor d'iste Fuero s'ese prebisto espresamén l'aplicación d'o rechimen contenito en l'artículo 141 d'a Compilación d'o Dreito Zebil, será dito rechimen o que s'aplique.

Zinquena.—*Normas sobre azeutazión, refusamiento e partizión*

As normas d'iste Fuero sobre azeutazión, refusamiento e partizión de ro erenzio s'aplicarán á ras feitas dimpués d'a suya dentrata en bigor aunque a suzesión s'aiga ubier-to antis.

Seisena.—*Consozio foral*

Os efeutos d'o consozio foral e a facultá de cada consorte de deseparar-se-ne prebistos en o Fuero será d'aplicación dimpués d'a suya dentrata en bigor aunque o consozio s'ese orichinato antis.

Sietena.—*Suzesión pautata*

As normas d'o Tetulo II d'o presén Fuero en cuanto á efeutos, desposición de biens entre bibos e res-

ponsabilidad d'os biens transmititos, asinas como a regladera d'os efetos de l'abdicación d'a instituzión de presén, serán tamién aplicables á os pautos suzesorios atorgatos antis d'a suya dentrata en bigor.

Güeitena.—*Modificazi3n u abdicazi3n d'autos e desposizi3ns por causa de muerte*

As normas d'o presén Fuero sobre modificazi3n u abdicazi3n d'os autos por causa de muerte u de cualesquiera d'as desposizi3ns contenitas en els serán aplicables dende a suya dentrata en bigor anque os autos que se modifican u abdican s'esen atorgato antis.

Nuena.—*Fiduzia suzesoria*

O articlo 132 e os Capetulos II, III e IV d'o Tetulo IV d'iste Fuero serán tamién aplicables á ras fiduzias suzesorias pendiens d'execuzi3n á ra suya dentrata en bigor.

Dezena.—*Preterizi3n*

O atrazato en o articlo 189 sobre menzi3n sufizi3n s'aplicará tamién á ras suzesions ubiertas antis d'a dentrata en bigor d'iste Fuero.

DESPOSIZI3N ZIRCONDUZIDERA

Unica.—*Zirconduzi3n d'o Libro II d'a Compilazi3n d'o Dreito Zebil d'Arag3n*

Queda zirconduzito por o presén Fuero o Libro II, «Dreito de suzesi3n por causa de muerte», articlos 89 á 142, d'a Compilazi3n d'o Dreito Zebil d'Arag3n.

DESPOSIZI3N ZAGUERA

Primera.—*Modificazi3n d'o Tetulo Preliminar d'a Compilazi3n d'o Dreito Zebil d'Arag3n*

O Tetulo Preliminar d'a Compilazi3n d'o Dreito Zebil d'Arag3n abrá a sigui3n redazi3n:

«TETULO PRELIMINAR

As normas en o Dreito Zebil d'Arag3n

Fuens churidicas

Articlo 1.—1. As fuens d'o Dreito zebil d'Arag3n son a lei, o costumbre e os prenzípios chenerals en os que tradizionalmén s'inspira o suyo establimento churidico.

2. O Dreito zebil cheneral de ro Estato s'aplicará como supletorio nomás que en defeuto de normas aragonesas e d'alcuerto con es prenzípios que las informan.

De o costumbre

Articlo 2.—1. O costumbre tendrá fuerza d'artar cuan no siga contrario á ra Constituzi3n u á ras normas imperatibas d'o Dreito aragonés.

2. Os Trebunals apreziarán a esistenzia d'o costumbre á bertú d'as suyas propias imbestigazi3ns e d'as contrimuestras aportatas por os pleitiadors.

«Standum est chartae»

Articlo 3.—Conforme á o prenzípio *standum est chartae*, se será en chudizio e difuera d'el, á ra boluntá d'os atorgadors, espresata en pautos u

desposicions, siempre que no resulte d'imposible cumplimiento u siga contraria á ra Constitución u a ras normas imperatibas d'o Dreito aragonés.»

Segunda.—*Dentrata en bigor d'o Fuero*

O presén Fuero dentrará en bigor o día 23 d'abril de 1999.

Asinas lo atrazo á ros efeutos de l'artículo 9.1 d'a Constitución e os correspondiens de ro Estatuto d'Autonomía d'Aragón.

Zaragoza, 24 de febrero de 1999.

O Presidén d'a Deputación
Cheneral d'Aragón,
SANTIAGO LANZUELA MARINA